


建昌府志



建昌府志卷之二

輿地志 山川

建昌府城中。高空山

在治南宋侍郎聶子述居之一名黃家山又名登高山羅枯之詩昔

年曾此一登臨四面空青照客襟曲徑步回紅日近孤亭坐久白雲深山中清賞懷風月世外高情慨古今最

言故家遺澤在幾

郭家山 在治西南

陳家山

在治西城今張宮保

宅文秀嶺

在壽寧坊

黃家嶺

在永豐坊

程家嶺

在舊紅泉門內

烏龜嶺

在

華蔡家嶺

在懷德坊今金斗窠

賁家嶺

在富安坊

門頭嶺

在清羅家嶺

在通鄧家嶺

在勁勇營

瑞泉

在舊治內宋知軍事陳叔和將還朝便坐之側泉忽湧清冽異

常故名應春泉

在舊治前司民者施德如陽

鳳山泉

在春守俸如井泉故以取義



西北泉味甘冽釀張公泉在治西南宋政和中旱知軍酒與神功泉並

之名

麻姑山在縣西南十里間勝槩名天下郡之鎮也古城今吟咏別集行于世鄒矩遊麻姑山記盱江

山水最勝而名天下惟麻姑直城西十里緣山麓而上百餘步有尋真亭又數百步有雲關嶺極峻山皆縈然

茵貯益上斗折數百步至山半勢益高俯視諸山如龍首峯如赤面石如從姑石皆怙然出履下山下有潤齧

石南奔十餘里其流如平布石者如織組其擁石而下者如驅驅朝如捲海前者未去後者湧至暴悍奇怪始莫

可名狀其聲細者如響環佩如鳴球其大者震撼林谷如轟雷直上數十仞俄有水垂峽如懸河蓋所謂瀑布

者其雄壯環異人以其尤為麻姑奇觀信然上有潭深黝而正碧有龍藏其中有金龍焉犬旱祈禱輒雨雷傍

為亭如枕流如垂玉如飛練如湧雪下上聯絡如貫珠皆因水而名又上數百步有嶠

水倒流聲淙然特幽勝石罅有身似仙都觀壇即蔡尤佳名神功然後稍上平行數百步至仙都觀壇即蔡

經故居王方平來會仙人麻姑之地其事具見顏魯公記曾公祠及何氏書房觀後有唐鄧紫陽塚鏜然如櫃

中空相傳紫陽尸解棺亦飛去獨遺爐簡瘞壇上壇之外山皆迴環有聯若星拱者有蠹若雲雁者有尊嚴若

神人者舊有古藤七星杉皆已斬伐惟存一松猶偃蹇如虬龍可愛山上有仰高亭又有齊雲亭一碑穿然

立榛莽中下瞰城郭大僅如掌煙霧際天其氣磅礴眩晃或黃或赤或青或白或紫或黑變幻不一遊者皆飄

飄然如騰空御風而欲仙山後有霧應有仙羊有五老有秦人諸峯盤擎八九里皆勢若犄角秦人峯與桃源

相直云秦世人避亂于此或仙者居之故名源中桃樹今猶有存者又有碧蓮池在觀前今已為田由麻姑才

里至丹霞觀山益峻險水益清駛有聲草樹益森翳多佳異觀有鉄鑄仙像皆巍然所謂丹霞洞天者乃仙者

所窟宅猶去觀十餘里在山巔時欲窮其遊以日暮不果

李時江麻姑賦巍乎高哉茲山之為異也吾不知夫

幾百千里之廣，但見土老而石頑，頂天而直上，驗地勢之所極，固亦東南之藩障者乎。路蹊蟠鬱，前後相失，岡巒鬱萃，律左右馳突，鳴泉百雷，躍下雲窟，喬杉萬矛，舞破煙骨，靈奇恍惚，變見出沒，匱耳目之觀，聽曾不究。夫萬一其間，則有名天之洞，禮神之堂，高臺層嵒，吸日月之光，繚垣粲粉，孕芝蘭之香，偏門曲廊，人迷其方，斜軒亂窓，或溫而涼，况乎御龍膏之酒，倚雲和之瑟，一飲一石，一醉十日，安知億萬人塵衣飛蚤，虱其或黠，然而霧飄然而雨，跬步之內，則矇無所覩，夜長漫漫，山空月寒，鶴羣戲風舞羽，蹒跚老猿，抱子吟聲，欲乾怪物，參差松阿，水湄或步或馳，或嘯而悲，仙乎鬼乎，千態萬狀，而使人心疑別有澗石之迤邐，園潭之無底，是曰蛟龍之所止，嬾而為早，怒而為水，嗟我力耕之民，輟衣食之資，而為禱祠之費，岩岫冥冥，古無人行，百獸饑死，虎狼夜鳴，是何假上真之名，而神姦之所憑也。悲夫！以地之奇，以物之靈，而逋客之經營，全形養氣，采木茹菁，未嘗有笳簫之聲，鸞鳳之迎，謝人品而凌大清者，徒見山寒兮，清清水秋兮，冷冷雲路，咫尺而不能！

可求道可悟而不可學，彼其叛稯，穡之功遺室家之樂，越天常而慕冥冥，宜乎白首於丹竈之下，幽死而無所託也。前秋水七星杉下，春風蓮沼，何年變白，桃源幾度，翻紅明月，清陰軒上，星冠羽揭，鬢翁一弄，瑤池新曲，夜寒風入，霜松進士，王無咎詩曰：仙駢昔日此，雷連氣象，遼遼尚宛然，溪落斷崖為遠瀑，路從絕頂見，平田千年芝有靈禽戲，一洞雲苗羽客眠，已樂勝遊塵境外，况陪清論酒樽前，聶思敬詩：琪樹籠煙迷古洞，石橋分水落平川，羅祐之詩：千峯過雨風初定，一逕落花春欲殘，侍郎鄭誠詩：草生丹室春逾綠，苔蝕碑文雨益班，試向山人問消息，麻姑一去幾時還，右都御史鄧棨詩：風磴雲泉百折遙，幾迴登覽上青霄，傍崖飛瀑千尋練，著樹殘霞一林稍，仙犬花間空吠月，遊人松下醉聽潮，平生肝膽渾如鐵，盡節惟思報聖朝，僧深明詩：泉聲與道閑，消息山色閱，人無古今，潘烈詩：井梧葉落秋滿天，浮雲飛去山蒼然，喜有平疇足，杭稻謾說瑤草生，芝田行樵白叟，凌晨去，醉酒黃花盡，日眠前，修遺迹，曾與李，慷慨一

讀瓊垂篇參政張恩待泉詩小杓瓊瑤纔汲處枯腸文
 字欲漫餘顏真卿麻姑山仙壇記麻姑者葛稚川神仙
 傳云王遠字方平欲東之括蒼山過吳蔡經家教其尸
 解如脫蟬也經去十餘年忽還語家言七月七日王君
 當來過到期日方平乘羽車駕五龍各異色旌旗導從
 威儀赫奕如大將也既至坐須臾引見經父兄因遣人
 與麻姑相聞亦莫知麻姑是何神也言方平敬報久不
 行民間今來在此想麻姑能躡來有頃信還但聞其語
 不見所使人曰麻姑再拜不見忽已五百餘年尊卑有
 序修敬無階思念久煩信承在彼登山巔倒而先被記
 當按行蓬萊今便暫往如是便還還即親觀願不即去
 如此兩時間麻姑來時亦先聞人馬聲既至從官當
 半於方平也麻姑至蔡經亦舉家見之是好女子年十
 八九許頂中作髻餘髮垂之至腰其衣有文章而非錦
 綺光彩耀目中不可名字皆世所無也得見方平非錦
 為起立坐定各進行厨金盤玉杯無限美膳多是以諸
 而香氣達於內外擗麟脯行之麻姑自言接待以來
 東海三爲桑田向聞蓬萊水乃淺於注者會時略半

豈將復還爲陸陵乎方平笑曰聖人皆言海中行復揚
 塵也麻姑欲見蔡經且止勿前即求少許米復以擲之墮
 望見之已知曰噫且止勿前即求少許米復以擲之墮
 地即成丹砂方平笑曰姑故年少吾了不喜復作此曹
 狡獪變化也麻姑手似鳥爪蔡經心中念言背痒時得
 此爪爬背乃佳也方平已知經心中所喜即使人牽經
 鞭之曰麻姑者神人也汝何忽謂其爪可爬背耶見鞭
 著經背亦不見有人持鞭者方平告經曰吾鞭不可妄
 得也大曆三年真卿刺撫州按圖南城縣有麻姑山頂
 有古壇相傳云麻姑於此得道壇東南有池中有紅蓮
 近忽變碧今又白矣池北下壇傍有杉松皆偃蓋時
 聞步虛鍾磬之音東南有瀑布淙下三百餘尺東北有
 石崇觀高石中猶有螺蚌殼或以爲桑田所變西北有
 麻源謝靈運詩題入華子岡是麻源第三谷恐其處也
 源口有神祠祈雨輒應開元中道士鄧紫陽於此習道
 蒙召入大祠殿修功德二十七年忽見虎駕龍車二人
 執節庭中願謂其友竹務猷曰此迎我也可爲吾奏願
 欲歸葬本山仍請立廟於壇側玄宗從之天寶五載授

山川

四

金龍於瀑布石池中，有黃龍見，玄宗感焉，乃命增修仙宇，真儀侍從雲鶴之類，嗚呼！自麻姑發跡於茲嶺，南真遺壇於龜源，花姑表異於并山，今女道士黎瓊仙年八十而容色亦少，曾妙行夢瓊仙而餐花絕粒，紫陽姪男曰德誠，繼修香火，弟子譚仙嚴法錄尊嚴，而史玄洞左通玄，鄒鬱華皆清虛服道，非夫地氣殊異，江山炳靈，則曷由纂懿流光若斯之盛者矣。真卿幸承餘烈，敢刻金石而誌之。時則六年夏四月也。○重修三清殿李觀記曰：觀幼時讀顏魯公麻姑山仙壇記，觀其稱道壤地之殊絕，絕人物之瓌怪，目想其處，謂如鈞天帝庭，非下土所彷彿也。及長游山縱觀，所有則歌吟煙雲饜飮水石而已。其餘古屋數百楹，或腐或溼，無足可居，惟仙若神可以顧享，噫！物有愈衰而後復，理之常也。則所謂三清殿者，今為復之，先乎按是殿之作，背山向陽，得地之正，由五代迄茲，載祀遠矣。雖其營繕頗甚盛，狀而木窮於蠹，瓦困於雨，日壞月墮，幾將壓焉。潁川陳公策鄉之耆德，勇於為善，一見其事，惻然于中，乃發家財以葺之，工之巧者必至，材之良者必備，或改以新，或完其舊，昔撓

以隆昔早，以崇楮焉，而霞烘堊焉，而雲溶真儀之位，得以如姑禮山，英水靈若喜若慰，雖大道之要本乎淡薄，安在土木之華，而後張顯然，各山之景列在圖籍，非有遊覽之盛，不足稱述。故言神仙者，必曰崑崙之墟，海中洲島宮闕之俊，視珠玉不啻如土芥，世俗相承以為美談。若麻姑山著稱久矣，元和詞人白樂天輩咸有詠歌，祭于屋壁，自爾以來，言者溢口，書者滿牘，天下靈境，茲不後焉。苟非崇飾棟宇，嚴事上靈，其何足觀之。則潁川公之意，豈徒然哉。觀之視公，大父行也。見命為記，謹書其略于時歲，在辛巳，康定二年。○李觀重修麻姑殿記。三代之英，既往禮教不競，人欲大勝，欲莫甚乎。生惡莫甚乎，死而道家流誦秘書，稱不死法，以啗之。秦漢之際，神仙之學入於王公，而方士甚尊寵，然或云延年，或云輕舉，皆人耳目間事，久而未驗，眾則非之矣。佛之徒最後出，而言愈遠，其稱天宮之樂地獄之苦，鬼神之為，非人可見。雖明者猶或疑焉，是浮屠之居貨賄竭天下宮室，僭王者而黃冠師窮智，後終弗能及。自非當世好事慕方外之游者，孰克迴面于真靈之境哉。麻姑之名聞之

於葛稚川傳申之於顏魯公記峩峩茲山得道之所始也自唐而下祀禮不絕築宮度人以嚴其事而殿屋之設歲月積久雨淫風虐撐拄弗暇將無以布几席陳香燭為鴛鶴戾止之地羣目蚩蚩莫肯營救潁川陳公博識之士肥遯州里頃常遊山周覽及是將命工徒一新其制言未果行而卒其子今山陽司寇諫弟詢不忘孝思盡稟先志乃出家貲以畢修廣有度奢儉有宜禮神之雲愁役不逾時營繕以畢修廣有度奢儉有宜禮神之位茲無所愧論者謂真帝在上庶方無虞歲不凶灾物不疵癘故斯人得厚本節用為富家者往往如是內和親戚外禮鄉黨餘力乃以奉釋老求善祥茲亦平時之盛觀也可無傳歟巖巖有堅請勒其誌康定二年中元日會輦仙都觀三門記門之作取備豫而已然天子諸侯大夫各有制度加于度則譏之見於易禮記春秋其旁三門門三塗惟王城為然老子之教行天下其宮視天子或過焉其門亦三之其備預之意蓋本於易其加於度則知禮者所不能損知春秋者所太息而已甚矣其法之蕃昌也建昌軍南城縣麻姑山仙都觀世傳麻

姑於此仙去故立祠在焉距城六七里由絕頂而上至其處其地及平寬衍沃可宮可田其獲之多與他壤倍水旱所不能灾予嘗視而嘆曰豈天遺此以安且食其衆使世之衍衍施施趨之者不已歟不然安有是耶則其法之蕃昌人力固如之何哉其田入既饒則其宮從而後也宜矣慶曆六年觀主道士凌齊畢相其宮無不修而門獨庫曰是不足以稱吾法與吾力遂大之既成託予記予與齊畢里人也不能辭噫為里人而與之記人之情也以易禮春秋之義而告之天下之公也不以人之情易天下之公齊畢之取予文豈不得所欲也夫豈以予言為厲已也夫八月日記李觀麻姑山仙都觀御書閣後記皇祐三年以御書明堂及明堂之門篆飛白二體藏諸名山麻姑仙都與焉夏六月道士黃太和為觀言今者聖人肆筆而山藪得之其奚翅金簡玉字盖猶嶠夷味谷天象所出入撮土勺水罔不光華非復與塵俗等幸哉願有志焉以示後何如觀復思念王者制作史書樂歌幽則物彪遠則彛貉耳者必開口者必誦安在愚儒識之况禮不斥尊其可以犯已而又念江

自寫

南卑薄與上國人不日接異時故老既歿傳聞將失實
 史官記注秘莫得見則吾君之行禮彼山之受賜曷從
 而知之先正盛公亦嘗為御書閣記所以述太宗之事
 殆可繼也別茲嚴父配天古之大事漢收秦燼失其根
 萌冉冉至唐各在實去五代魚肉誠所不暇祖武宗文
 志亦未集佑啓我王及此希濶如廢斯起如斷斯續合
 符天鬼匪自羣議禮明樂備又申之以翰墨河圖大訓
 永以華國周公宗祀而文字無傳宣王蒐岐陽而石鼓
 非手書未有華實相副若是之彬彬者也昔漢武帝封
 泰山太史公留滯周南不得與從事曰命也夫迺者季秋
 大饗而知其說者有不在焉則謂之河尚從仙宇見是
 寶書抑天幸也故就敘其語俾刻之德清許孚遠禱麻
 姑紀事記萬曆十有一年夏五月旴恒暘自六月壬子
 至于癸酉不雨民情孔棘太守許孚遠率僚屬齋戒禱
 於城隍者三日不應於是僉議禱麻姑山遂以甲戌侵晨
 焉越三日又不應於是僉議禱麻姑山遂以甲戌侵晨
 走麻姑山從之者別駕薛子瀚司理傅子國珍南城令
 王子以通餘戒勿往初出南郊見田間龜拆禾將焦枯

蚤禾登矣弗獲嗣播農人在傍蹙額告曰及茲而雨可
 藝菽麥否者絕望予心惻惻迤西行數里近姑山田多
 晚禾稍得泉灌溉下潤上槁如饑渴然俄轉入松徑輓
 輿而上憇半山亭林間涓涓水流不絕田有從早歷高
 如塔級相似當茲炎赫生意猶存予念曰山澤通氣其
 妙乃爾又徐行陟崇嶺至觀瀑亭見峽中有飛泉兩道
 勢若懸河降危崖而下深澗其來無窮其往無際吾黨
 疑睇徘徊者久之嗟乎天地之間以水為血脉萬物不
 得則不生茲吾民所謂皇皇者歟由觀瀑亭可數十武
 至三峽橋逾橋而南復折而西有亭覆碑曰神功泉泉
 自石罅側出不盈斗而汲之不可盡味極甘列山中一
 爭取以釀酒故酒以麻姑名轉盼間仙都觀忽在目一
 望皆平疇寬衍而四山環繞森羅曠然若別一世界泉
 源不知幾千萬丈決於田中禾黍芃芃絕無枯槁之色
 予不覺色喜顧謂諸君曰使旴城咸若茲吾無憂旱矣
 爰入觀謁麻姑仙行禱祀禮畢讀顏魯公碑記或云
 麻姑與王方平會于蔡經家而傳其名或云麻姑于此
 得道神仙家蹤跡變幻吾不能知乃其精靈炳于山川

歷數千載而不可磨滅必也先得道於此方平之會又其後者也日當午飯于洞天別室飯已復整衣冠趨廟右詞三賢祠三賢者一為顏魯公一為李忠定公一為文丞相再趨廟左謁胡莊肅公祠予嘗為莊肅公屬吏因與諸君談公生平操行愴然有感祠前有一古松偃蹇若蚌龍形好事者勒石以唐大夫名之門外一山截如屏障五峰隆起人呼為五老峰此仙都觀大槩也將行辭于麻姑仙子前祝曰神仙有靈惠我甘霖救此一方民命予能為爾仙鼎新廟宇諸君同聲曰諾遂出門登車復過三峽橋俯瞰盱江縹緲在煙霞之外遙指從姑石特青螺一點耳行及山麓牽輿北向欲訪所謂麻源三谷者忽見雲氣飛騰覆滿山頂雷聲隱隱聞霄漢間雨如驟至驅役人急趨度石岑而下兩山夾出中有流泉湍駛浩如長渠詢之正麻源也走數百步過小橋將止於雲門寺鄉先生張斗暘王實庵二公者出竹林相邀羅生懷智以乃祖近溪翁之命亦來候于此南城令王子於是先辭去雲門地最幽勝然殿宇偏仄不堪避暑三公具酒以進聊數酌乃行復逾橋散步觀石壁篆書且西探

山中來脉處王實庵曰此山來自宜黃頗深與有佳氣指二小阜似雙魚形堪輿家以為水口山也予曰有是哉日已西雨欲作者逾二時而未至然雲雷之勢益以猛矣倉皇就道奔華子岡者蓋謝靈運訪華子期處也谷口有一石洞穿洞而入又斜轉百餘步登觀音巖甫入門則雨大至予黨三人與張王二公者不覺鼓掌大喜因對雨圍棋數局飲酒各盡醉始歸途猶有細雨霑冠蓋上兒童父老欣欣相向無似向者之蹙額而告也越翌日乙亥又雨丙子東北郊雨丁丑四郊大雨或謂麻姑之仙果有靈應又或謂吾黨一念之誠庶幾有格于神明予應之曰天人之際良不易言貪天功以為己力不可且夫禱于城隍者七日而應禱于麻姑者片時而應彼神靈豈有遲速乎哉予等幸藉神助以紓民憂姑紀其始末如此

記乙巳夏五予得釋肩鍾陵以行從臨汝入建武辭直指徐公子友湯若士在臨汝嘗恨不得造其門亦夙有姑山之興未償十九朝迺得抵臨汝詣同年袁滄孺而後造若士是晚滄孺邀予觴擬峴臺云唐裴晉公題臺

山川

八

甚厥朗前谿山屏列羣白鶴上下樹杪漁火點點浮遠
 岸佳甚為若士追而去觴于玉茗堂月色如畫若士寧
 馨兒大青開遠及帥生廷謨平昌門人葉幹俱在座歌
 者主郎聲琅琅似笙簧中出暢飲幾夜分與若士別去
 若士黠結不已次旦肩輿追躡予五十里及東館予大
 喜把臂曰靈山又一會也是時予以在鍾陵有未了筆
 墨債謝若士午以前君且去日暮即促膝縱譚如是者
 兩竟夕南城門人黃元在公桃陶西之仁慶進予東館
 已三日相聚快甚廿二日雞始鳴別若士若士見囑曰
 歛精神愛日予不能荅登車去是晚抵建武南城令葛
 君子同鄉邀集東湖館中黃陶兩生趨迎曰姑山仙人
 待先生久矣予笑曰公事畢然後敢治私事于是手扳
 謁謝諸上官余公方公及御史臺徐公方余兩公席間
 盛稱仙巖龜峰之勝心識之遂辭以行予同年朱惺復
 來守建武華君別駕吳君司李並相邀遊中洲以一夕
 了之○中洲出東湖三里許修竹數萬竿清蔭可三五畝
 因與諸公婆娑其下自喜曰處處叅玉版也○孝廉鄭豹
 先風流逸羣所撰行旗亭芍藥記並清綽同將軍張扶

園之松亦以一夕了之兩生趣游曰與麻姑期何後也
 于相挽車歷石磴上十里有亭一座為盤薄其上又五
 里為半山亭見兩玉蚪從半嶺下奔淙淙不見瀑其下
 則瀑布泉也又半里為三峽橋橋可置坐不見瀑其下
 有投龍潭記載天寶五載投金龍于瀑布石池中黃
 龍見其處也會日方午岑岑不耐暑竟造麻姑殿再拜
 轉道舍同四生飯雨忽如注氣氤氳從四面集飯罷雨止
 日向晴涼颼爽氣颯颯似秋予顧四生而樂之曰姑山
 有靈為我輩濟勝因相與步出觀門平眺四際山巖峰
 頂前後平田可數百畝此他山所絕少覓所謂碧蓮池
 盡阡陌矣因憶記稱紅蓮變碧碧化為白今日且化為
 清禾麻姑向方平自言接侍以來見東海三為桑田則
 青碧紅白詎可常乎可發一慨復循阡而出幾半里許
 有巖石下尺許四生指言神功泉在焉會雨盈掩泉口
 不及嘗乃小坐三峽橋上下可聽泉窺潭左右山峰色

山川

九

俱集為命酌十餘盃仍令王郎發清唱渺渺出泉響上
各不相奸令鍾子期在為絕倒矣微酣起下視則已臨
雙瀑上瀑故崩奔益以新雨勢益橫兩峰並噴薄下夜
雪秋濤銀河素練纍纍散為珠濛濛拂拂為霧為煙泛
青碧百餘尺可望不可即真令人應接不暇為呼大觥
者三分高字韻至薄暮返觀中山門左有古松可合圍
唐所封為大夫松者可班三竺九里中有詩僧墓不載
姓名可惜四生乃邀予麻姑殿前霧坐山靄間松風謾
謾快人意索麻姑泉酒嚼之不可得佳者笑謂諸生不
如竟飲泉于是退就枕蚤起辭麻姑出西之為言此殿
結構非唐時物其小法身經火不壞亦靈應也指其山
絕頂有齊雲亭已圯不復登殿傍瞻忠祠為顏魯公李
忠定文信國三公壇側有紫陽墓開元真人鄧紫陽瘞
骨處也自是道故徑出臨神功泉永稍減泉口始出口
不盈一小盃而深深不竭味既而重即葛稚川丹井也
好事者取以釀酒稱真姑酒四傍即本山泉與較稱每
兩即輕減錢餘真神矣過此即三峽而雙瀑瀑比昨日
新雨後勢稍平而雪光錯落晶晶與朝日相耀亦自奇

絕橋之下為避洞又昔稱壇傍杉松曰七星杉松皆偃
蓋時聞步虛鐘磬之音不可復接惟玳瑁石踞此壑中
無恙耳以下所涉皆故谿谷也於是作從姑之游陶生
輦為言從姑山去城僅五里許此去易竟耳從姑折而
西北紆迴數里有雲門寺再上為華子岡即謝靈運所
詠麻源第三谷是也又轉為靈谷游者往往失之不可
不往是日天日初朗愁不耐暑頃之微陰曖曖似有雨
氣兩肘習習亦似秋爽時予欣顧四生曰緣與情會矣
何得不往仍命輕車迤西北行上下山坡不甚峻而田
阡間之往往於深巖峭壁中開平為田綠野之色與碧
山青澗相錯他山未有也行未午而陰愈重漸近雲門
里許澗水澄瀉而奔注巖岫峰壁為躡為踞為立為臥
若列幕懸惟大半似盤山第盤山無草木為衣此山時
有樹盤山一長石橫卧如虹亘此山澗灘凡數折皆綠
漪可挹石文舊題識處皆殘剝模糊苔蘚中不可讀近
時無佳筆惟拳石巖為曾子固題尚在書法莊整如其
文乃知品巖亦自難事隔澗一林望之破屋敗垣殘門
荒樹則雲門寺也澗水獨湧甚又無棧石橋可過予得

山川

十

五六與人肩而過涉王生輩四人皆握衣解襪跣而下
 數尺以渡衣帶半墮流水間相顧而笑會寺門虛無僧
 僧不耐寂俱謝去惟雲封苔鎖鳥跡鼠踪草樹數株而
 已而境絕佳後來者定興起之與諸生席地藉草坐提
 小盃飲山酒十餘杯甚暢頃之片雲黑茫從直北起予
 曰雨至矣趣行急越澗則雨矣淋淋下著體澗前有野
 店可就坐僕夫衣履俱揮雨如汗苦未得炊予笑曰饑
 與雨是人苦事惟遊山時一入佳境僕夫聞之亦為
 解頤待炊而食頃之微雨不止即共衝雨行問所謂華
 子岡者無標識處寺前人北指最高頂近是雨甚亦無
 徑不便登因誦靈運銅陵映碧澗石磴瀉紅泉遂登羣
 峰首邈若升雲煙之句似之獨泉稱瀉紅不然耳解者
 謂水自丹砂出非耶顏魯公記稱西北有麻源謝詩題
 入華子岡恐其處也則亦髣髴之辭耳再後入靈谷徑
 其石岫一片似吾西湖寶石山帶以石欄干又數武則
 石巖垂為屋昔晞陽范公令此邑顏其巖然僅可當飛
 來峰一竇耳又三轉石磴上道士樓居在焉四面巉巖
 石俱蔽遮不令見香火客座俱窄窄在重圍中悶甚有

境不可以無人如此即驅車出而黃陶諸生後至予曰
 可以已止不入復披寒雨行十里許臨河渡從姑山從
 從姑山後上為跌脚石可坐數百人落級而左兩巖隙
 深千尺有天下墮渺渺飛一道光名一線天其上為天
 柱峰為步天橋遠眺則江城野郭煙樹萬家縹緲在望
 從一線而度為雙玉樓黃生云近溪先生講道其間于
 此山偶得一記前身夙有緣故名雙玉迤而右為飛鰲
 峰乃從姑壇場處綠崖為堂即羅先生共四方人揮塵
 談性之地亦似吾南山石屋之一俯檻則林木掩映蒼
 翠在眼終以石勝復轉而左為竹影庵為讀書巖皆先
 生所品置諸生曰風雅之士謂乏雅稱予曰道無雅俗山
 寧有雅俗仙則仙儒則儒此姑山惟諸君判案耳從讀
 書巖步下級日已夕仍還飛鰲峰而別駕華公設精饌
 名茶令見待王生輩復為且快飲峰前似非寒酸本色
 然亦何必減方平美膳麟脯也晚倦歸即宿此山次
 旦門人吳世卿君章亦至諸生各出紙扇索子書予急
 揮毫應之書訖即行疾往予未至姑山時客多稱從姑
 奇絕而以麻姑本山為少致已而覽之則從姑見稱有
 山川
 十一

故一去城近縉紳先生與問巷人過覽便一峰石磊塊
 多幻奇覽者目易眺一羅先生標置聚徒眾為此山矚
 行而麻源入山深跋高測險泉石幽曠無色聲奇艷聞
 其無人松響雲光映徹林表據予所見金陵棲霞雲川
 圓證吾家需峰寺並擅幽勝而三峽雙瀑神功仙跡尤
 鄭山所無此湖東第一山也萬曆乙巳六月三日記○
 日此登臨日日此神情人各一遊遊各一記如爛熟故
 事先是作者不乏郝玄敬最著近則陶周望袁中郎兄
 弟及吾師馮開之先生與吾友曹能始王季重黃貞父
 楊文弱鍾伯敬諸君皆能點次摸畫搜奇剔隱彷彿水
 經註幾令山靈匿笑大抵石之古巖之幽壁之險洞之
 詭筍之拔瀑之雄雲之幻泉之巧山水亦不能別創一
 格似乎千篇一律不特人之遊與記套而天之生山水
 亦套矣天台雁宕匡廬五泄瀑布之勝諸君人各爭評
 眼孔多大麻姑之瀑度不足當其一盼而能始季重貞
 父固常先後來遊者亦稱許不容口至其瀑之擊齒當
 胸沾衣濕履視他各山之瀑或遙眺或斜睨亦

似覺有微長一勾泉甘冽不盈不竭銖兩特勝俱嘆得
 未曾有至以三十里懸崖峻嶺忽平疇沃壤方廣千畝
 雞犬桑麻數百家別一桃源其中異境深入屢日莫窮
 珍禽怪獸奇花異卉山民屢代白首不識週迴數百里
 踰疆越界山外有山飛爐峯直侵雲表此數則遊人尚
 未拈出耳所惋恨者碧蓮池一旱地松石太古五老峰
 下多屍氣樵牧徑斷山君晝嘯士人不好事郡非孔道
 不時得名人賞味使者例遊松間鳴道道士避去真神
 功酒必不可得山間無一好亭子無一佳額聯瀑布石
 壁巉巖為一郡倅倩無賴子鑿石題四大字為茲山萬
 劫障耳是日天氣蕭瑟酒甚劣妓甚村肴核甚麓同遊
 者甚有官套殊為敗興天啓乙丑仲秋書藕花深處○
 吳之屏大夫松碑記嘗觀摩雲霄撼風雨克沆瀣而挺然
 直節森森者其松乎麻姑山中舊有偃蓋松者相傳為
 顏魯公時所植歷世千百年矣以魯公守茲土秩為
 大夫世遂稱爲唐大夫松云迨胡母夢麻姑山松
 越乙丑春政事之暇展始及之出城西南數里見白雲

中丞胡松
 伊夢麻姑
 山松屬土托
 生故思松

冉冉起封中山人指之曰此偃蓋松瑞氣耳及登其山
 緝宇雕闌風亭月榭變幻于蒼煙翠靄之間心為怡曠
 叩其所謂古藤碧蓮七星杉諸勝渺不可得惟存一松
 偃蹇如蚪龍蒼皮黛色鱗鱗如龍腹余席其蔭凝睇久
 之清籟徐發鼓鬣如濤其聲細如環佩如鳴球大如轟
 雷震撼林谷山色嵐光飛揚映帶遠來襲人衣裾飄飄
 然如騰空御氣而欲仙非特選勝怡情流連景光而已
 也丙寅季夏復尋舊遊見其鳳矯鵬搏鸞音鶴唳參天
 之木凌霄不萎古色依然跌坐其下恍與魯公對譚斯
 知木石之所以勝者不勝于物而勝于人也曾幾何時
 忽于仲秋之某日為盲雨如風所折千古神物一朝化
 去豈亦如紫陽之尸解耶抑廢興存亡物各有時耶奈
 何當吾世而失之殊為慨結其珍重者恐落樵採之手
 欲斲為神前供具余以樵子大匠等耳不忍戕賊禁勿
 為動復于松故址之傍另植一枝以繼魯公遺跡亦欲
 後之視今猶今視昔之意若曰竊比魯公則吾豈敢
 元時此松已枯死數十年至洪武間復茂今而後安知
 無萌蘖之生乎雖然東海三為桑田蓬萊水將還為陸

陵當麻姑時亦已然已遷化無常何獨一松乎哉余但
 紀此松之顛末云爾能人霖遊麻源第三谷雨中至雲
 門寺稍霽至華子岡遊山猶讀古人書每至劇來輒乙
 之我來每慕三谷好時時仗策不言疲初至龍門觀瀑
 泉已如靈谷歷幽蹊日落僕夫輒趣歸時或微風雨相
 催三谷相離只咫尺如隔弱水雲忽霓三月將晦前三
 夕星光章章明河白夙戒籃輿不攝客馳過張子西郊
 側相呼采探古麻源靈谷溪流曾結識中路石梁歷以
 東溪聲汨汨幽源出峰巒磊落不肯媚往往削成大斧
 劈白雲帶山破水蒼黑雲壓空空欲滴乍扣山家命濁醪
 幽興不辭風雨敵着屐帶笠上雲門蕭然古寺涵岑寂
 翼閣倚巖俯眾山翠竹青松掃空碧昔遊明聖理山寺
 靜幽頗與茲山匹又曾采芑括山中鳥絕無聲泉吼急
 自來入山不厭深山而得雨山逾密小携麥菜賴香厨
 正爾蒸食幸無饑雨止扶筇石磴危振衣華子岡頭立
 能人霖遊麻姑山記自二月癸巳至巳亥連霽昔丁酉
 歲清明後五日也晨起從東門旅館覓籃輿度大德橋
 而南徑太平橋值延石將竟中橋卓高亭方具楹礎宛

若天官水中柱也迤南門別平西經途問津於龍磔市
 氛遂遠涂在田中皆延石時久晴微陰望麻姑山雲氣
 冉冉引人勝境左右眾山層獻疊呈若將若迂而左則
 從姑最右則赤門石觀音巖最對之令人神情開滌計
 違市五里許得駱家坪坪上及左右各有屋三四楹農
 者居之桐花稻秧與流水映帶從此涂多拾級稍前乃
 得魁父之丘逶迤行白石岡子連三處其平廣差可敵
 虎丘千人坐也自此以往皆拾級登至山口有茶亭旁
 一酒家酒薄莖可勞昇者步行至半山亭有石鼓四頗
 似岐陽獵碣蓋昔人施游屐小憇而後人更橫二石磴
 其上憇彌眾矣昔微陰忽晴日光如駛從亭中迴望下
 方諸山煙靄倏忽變遷疲人應接扶筇歷岡巒數匝抵
 澗口則兩山左右壁中瀆瀑懸溜數丈輒停為潭潭復
 懸為瀑如是者三四輒有巨石當之泉激而怒復迴薄
 左右出大者若建五丈旗小者若一匹練俗謂之雌雄
 泉也旁一酌酒舍酒亦薄雌雄泉之中環一石可坐數
 十人往好事者亭之今飄搖矣然佳處正不在亭稍右
 而上涂左方石斗出臨澗柱杖於此見飛瀑烟分雨合

蜺飲珠錯而遠樹遙嵐紫綠迸射從姑拱立於前明媚
 閒遠姑山之觀當以此地為勝極耳更立數十武有山
 梁絕峭跨瀑顏曰龍門然山石哈呀頗障遠景惟俯視
 龍潭石泉出石罅僅勺許四時不竭是日神功之泉釀
 者及於此云水重於他水之十三也余軟之良然水絕
 清微有滋味頗似礬梅雨不能如惠泉之甘也蓋泉
 行山中或經產礬處故清有餘而醇不足齊只要術酒
 欲偷甜法當宜釀但山旁之釀者秣麵取草具而市中
 亦未見有劉白墮其人甚矣時之紉也再上山漸開曠
 有庵顏曰慈惠門前故有大夫松傳為顏魯公手植崇
 禎丙寅秋仆于風延陵吳使君更植小松補之今幹大
 一拱有半而稍前古松二松並峙者蒼翠森挺幹大皆
 三拱以上高可三十尺殆明初物也庵中僧頗簡朴具
 筍菽為飯相隨前過丹霞觀僅一古殿尚弘敞中祠麻
 姑像雙髻左王方平像幅巾綸色右蔡經像巾服乃似
 世所塑伽藍者大率皆臆成之廟中無羽士僅一祝史
 種蟹螺之田歲收十鍾未足克腹而廟門偏右向蓋近
 年形家者取諸其迎水而於審局面勢無當何若仍舊

山川

十四

貫即門前山曰五老亦臆名之其以廟為當日蔡經宅者亦臆也且吾安知列真降蔡經宅者之非臆耶吳使君碑去今纔三十年尚云丹楹采椽亭榭甚盛今日皆安在哉蓬瀛清淺千古與懷不朽惟在立人若魯公之英風正氣端不與壇碑共磨耳熊人霖游靈谷雲門記謝靈運麻源第三谷詩有石磴瀉紅泉之句而縣志云西十五里有紅泉在三谷李泰伯觀詩云平生猶未識紅泉今日纔遊石徑邊半雨半晴秋草濕由來無處可閒眠志又稱縣西十里有三谷一谷在麻姑南澗二谷在麻姑北澗三谷在麻源極北余初從南行游丹霞觀飲神功泉殆一谷耶然違城已二十里而志一云十里志為答無確據余再從丹霞溯麻源復以暮返張子道古居西郊黃堂廟旁則曰觀音巖可游也治具約程迺赤廣文同往出門即望見萬壽峰卓於東南十里而遠里而近沿小溪稍行度小石橋則西南羣峰絡繹奔轉而皆若拱而前迎赤瑞平若印而厥色如赭他山則作

綠沉色蓋州樹衣之也又度一石橋則山多外骨而色多黝似古詩所稱太陰雷雨垂又以太痴道人施焦墨作積鉄山圖余謂張子曰昔與而兄官浙東恨五斗所羈咫尺失天台雁宕今霞蒸雲黝奇得台宕於咫尺間矣稍進則山族而一澗潺湲勾已而入行至山麓斗絕不受趾輒絕澗而梁凡數百步輒東西移而山屢折又多煙嵐蔽虧亦莫定其為朝陽為夕陽也已度石梁鐫曰興雲昇者指曰紅泉而泉色凝碧豈往時紅樓光放映照水中今破寺蕭條煙景孤寂而梁石積苔亦深耶稍入昇人又指為華子岡然山中岡巒更有勝于此者何必舟刻而劍是求也且昇且步樹石紛迎或入人意中或出人意表引人不倦不知應接之煩已而山石嶮峻忽見大阜雲橫峻絕無級可拾之足而山徑有石磴處忽見大阜雲橫峻絕無級可拾不能懸度而右為高崖左為連山連山之外為深谷途窮欲哭後昇者則伏而曰彼有竇遂偃僂蛇行入行數十步乃見山外有田田外有山流水孤村藤竹交映山家衣服粧束悉如城市人稍進又得峻嶺梁而左水源

齒麓聲若鳴琴，峭左右各有巖，枵然翠微間。左太常，稍因巖結構，而所稱觀音巖者最大。世說昔有大士說法於此，今為禪庵。庵中祇一行者，乃巖左一小巖，尤奇。勝六尺之亭，衆山響答。張子呼僮拾枯籜，溫所携酒肴。飲焉，遍歷諸峰，復從來時路出，至前竇間。程子笑曰：「淮陰少年，勝韓信，其可再耶？」出尋雲門，路則日晡，不能盡。與後十日，余乃携麥餅，凌晨過黃堂，雲氣驟族，因假簔笠。山家及紅泉天，驟然雨矣。度與雲橋石，磴橫出一枝，稍左行里許，又度一橋，山色益深迥。自此石色純黝，一望如墨。咏山靜如太古之句，實獲我心。冒雨稍進，頗極適得。山村數家有酒，可沽解杖頭。沽以敵寒酒，家當壚。雖裙布然，約縑迫，眉色楚楚，亦如城市間人也。竟酒杖而行，凡越數嶠，皆行煙雲中，不能盡問山名。良久，至山岡一破屋，古所謂謂雲門寺也。寺中無僧，祇一二種田山農，居之擊石火為余蒸麥餅，飽餐以雨，故得久坐。薄暮乃歸，歸則途中羣峰絡繹，向之拱而迎，余者又若馳而送。余往時昇者，聞捷輒取山下路，此行則山下竹

刺籐稍雨，壓望人遂取，隔溪紆道看山，較悉兼雨，餘巖嶂蹊黠，與遙天蔚藍相盪于溪烟，炊烟間山色得未曾有。亦一快也。大抵野山之勝，在色蓋山體多金水，皺折艷秀，頗似會稽山陰，而地脉蜿蜒，從宜黃而來，作雲蓋山，而東面南面，則山幹與七閩分水，故四方高而中央下厥形，宛若他處。遠山舉為近山，障惟盱則漸遠之地。漸高四面之山，層映疊呈，山石具赤白黑山土，或黃或赭，樹青草綠，而山氣近遠相盪，斯紫碧萬態，又越山之所未有矣。余每咏青山，看景千重，出之句賞之，惟程子深以為然。在日習者，反不能名言也。將入靈谷竇，旁一岡頗秀，拔或是仙人華子，期隱處而北，嶠之二谷當是雲門，麻源極北之三谷，當是靈谷。古人每自東徂西，自南徂北，今麻源分水之脊，虎豹守之，不可行。豈安道可不必見耶？兩溪之委，東西流而大滙於南門。秦夔過迎仙橋，省耕詩迎仙橋上花冥冥，通會郭前春草生，歡聲夾道，民吏迎爭言使君來，省耕使君十年專兩城，武昌昌樊口，舊所經，政令未一民未寧，耿耿徒有憂民情，爾時郊原雨初晴，嫩寒着人羅袂輕，桑枝拂地雉不驚，野

山川 十六

蚕欲眠亂啼鶯羽人白髮衰
 我遂作麻姑行麻
 姑山高天下名芙蓉插天真削成石厓崢嶸龍虎爭赤
 日下照玻璃明山腰飛泉如練縉下注千尺寒潭清中
 有仙人吹玉笙傳是晉代王方平紫綃衣嘗織翠翎翮
 然乘風下雲輶千年往事誰是憑魯公文字照日星窮
 碑峩峩立山肩上帝訶護煩六丁後來羅公當代英指
 斥前輩譏仙靈詞源滾滾三峽傾道在不作荒唐鳴老
 禪詩魂呼不醒醉來得句誰與評仰天一笑氣拂膺蒼
 烟落日迴雙旌謝靈運入華子岡詩南州實炎德桂
 木凌寒山銅陵映碧澗石磴瀉紅泉既在隱淪客亦棲
 肥遯賢險徑無測度天路非衍阡遂登羣峰首邈若升
 雲壘羽人絕彷彿丹丘徒空筌圖牒復磨滅碑版誰開
 傳莫辨百代後安知千載前且申獨任意乘月弄潺湲
 恒充俄頃用豈為古今然李觀魯公碑詩他人工字
 書美好若婦女猗嗟顏太師起起丈夫武麻姑有遺碑
 歲月亦已古硬筆可破石鐫者疑虛語驚龍索雷鬪口
 嚼天下雨怒虎突圍出不畏千強弩有海珠易求有山
 玉易取惟恐此碑壞此書難再覩安得同寶鎮收藏在山

天府自非大祭時莫教此眼觀李觀七星杉詩五行
 與萬類有象皆在天如何彼杉樹反更伴星躔子憶古
 昔意欲媚茲山巔草木尚有斗人物誰非仙栽培自何
 代衰老今多年大旱不減翠涉春無益鮮生當好世界
 過盡閑雲煙房心欲布政柱石安可捐張商英凌雲
 行詩麻姑何代仙南城有遺壇雙練飛絕巘天風逼人
 寒枯螺抱怪石幾見海水乾清都在何許煙霧不可干
 宮闕鏤白玉輜輶駕朱鸞念非龕濁質可以超雲端冲
 虛盡塵滓變化生羽翰悠悠戚施子汲汲營舖餐頎然
 碩且大軀幹壓馬鞍奉養恐不至齒髮忽已殘呼吸一
 時絕枯骸積噴吮膝行望碧落宵露零衣冠願聞道之
 妙不用擲米丹人間寧足樂棄去夫何難揭溪斯三
 峽橋詩差峩仙都觀遙望丹霞天後有千歲松中有百
 頃田風日夏颯颯烟霞畫蒼葦羣秀一時集安知非刻
 仙持觴豈相疇罷琴抗高言天道信悠悠人何拘攣
 靈君不可致落景詎少延仰雖慙冥冥俯實憂元元至
 人顧坐客此中可忘年黃通遊麻姑山贈李泰伯陳
 仲父先輩詩麻姑山真斗牛角形勝擁斷東南隅五百

年來蓄英氣特為吾宋生真儒李姓觀名泰伯字風骨
 古秀飄髯鬚其人於世少似者無乃稷契荀孟徒自傷
 出處苦奇剝不得寸祿遮妻孥歸來築室郡北郭友關
 唯作文字娛先生之門足高第中間仲父有輩無曾繼
 先生列科舉簡編滿載三十車先生不遇子亦退高文
 懿行夸江湖麻源谷口田數頃歲計取足無贏餘生涯
 俯就隱意决便棄城邑廬郊墟上有慈親享其旨下有
 子弟森庭除平生胸臆渺溟渤惟學虞卿窮著書平生
 志氣薄雲漢惟學子陵閑釣魚每當春秋社時候萬象
 瀟灑神仙居巖化野卉照几席溪風靄靄清襟裾先生
 乘興或還往殺雞炊黍開尊壺共評今古正經史不知
 口角清涎濡名教果有如是樂彥輔之言誠豈誣蓮社
 竹谿誌高逸究竟未免歸狂愚爭如仲父與泰伯相樂
 以道情愉愉文酒逢迎二十載一日不見已為踈松門
 大開俗不到水雲軒檻空清虛仰愛二友羞不與欲別
 仙墅猶御廚○曹鞏詩軍南古原行數里忽見峻嶺橫千尋
 誰開一徑破蒼翠對植松栢何森森危根自迸古厓出老色
 不長莓苔侵修竹整整儼朝士下蔭石齒明如金遂登半嶺

望城郭但見積雷紫江潯岡陵稍轉露樓閣沙莽忽盡
 橫園林秋光已過花艸歇寒氣况乘巖谷深我馳輕輿
 豈知倦倏忽遂覺窮嶽崱龍門誰來此中鑿玉簡不記
 何年沈泉聲可聽真泉賴泉意欲寫無瑤琴斗回地勢
 平如削擺袂百頃黃差參洞開三門兩出路却立兩殿
 當厓陰深廊千步抵巖腹桀木萬本摩天心碑文磊落
 氣不俗筆畫縹緲工非今世傳仙人家此地天風冷冷
 吹我襟今人豈解不老術可怪綠髮常盈簪根源分明
 我能說一室傾倒輸琅琳清高既不擁耒耜方壯又不
 持戈鐔我丁軼軻豈暇議直喜虛曠開煩襟清謠出口
 若先措白酒到手無停斟山人執袂與我語畱我饋我
 山中禽玲龍當窓急雨灑窈窕隔溪孤笛吟未昏已移
 就明燭病骨夜宿添重衾神醒氣王自無睡到曉獨愛
 流泉音起來身去接塵事片心未省忘登臨○呂南公
 葛仙壇詩南峰枕崇坂逕路荆榛稠遺壇在其巔名為
 仙翁畱石角已剝泐林芳自春秋誰無骨中塵來繼冲
 霄遊○羅倫湧雪亭詩王風一委地異端乃橫行鳳鳥
 久不至蛙蠅紛吠鳴風雨晦白晝虹蜺橫太清使君遊

山川

十八

丹霞道士吹紫笙玄鶴自天翔仙犬花間迎使君謂道士當寧憂蒼生老夫荷天澤病哉此孤乳因觀魯公碑豈慕麻姑名王事傷靡鹽載驅用經營黃冠亦黔首慰我萬古情謝士元詩縱策入烟蘿紫迴度空谷更上齊雲亭憑高騁雙目巖泉挂晴虹恍惚衡廬瀑仙子多樓居棟宇雲間轟野鶴唳還飛瑤草冬更綠山神著靈響敬畏予所獨於焉舉禋祀祈年介嘉穀乳乳魯公碑昏訛猶可讀義烈感精神直欲相追逐載誦泰伯詩調古誰能續王思任姑游禪咏十首麻姑壇年少喜大言復樂為小戲烹苓賣其嫂銜薪味厥弟綠髮可垂腰頂中作文髻此女未幻妄所賴顏公記王方平行民間沃焦度蔡經引日照陳尉不媿總真名是非狡獪鬼七月作牛郎一斗攪凡水神仙亦酒色安用旌旗美蔡經宅蔡經猶介人止思麻姑爪鞭背乃誅意一養不可掃漢臯贈且桃天台儼而黝豈不共神仙方平代煩惱顏魯公碑但知魯公書不知顏記妙仙人儀從來彷彿開語笑莊列寫虛神遷固撮事要薦福拚雷轟差強肱不肖唐大夫松竹亦可為龍人亦可為石想此蒼髯叟獨瀑深山日

秦爵饒小兒况復署唐秩乃有胡中丞應身冒其質鄧紫陽塚盜藥可賜死死即非真藥王喬尸不解玉棺亦凡榔紫陽乞歸葬虎駕空烜燦學仙仍纍纍何歎遼城鶴葛洪井寒峯丹氣深動影雲花碎試問藥泉香何似麻源醉花前蝴蝶飛月下枸杞吠不識葛仙八喜鬧名山會雙瀑布青天失萬峰白龍忽雙挂雷噉一何怒撒塩萬斛下疑欲近桑田故爾滄海瀉踞石告景斜觀化焉能罷神功泉氣化欲無形落地思天一此水託麻源在清不在力掬手洗胃塵溪風方習習道士辱其名况釀波羅密詩僧墓宴罷月空明神仙長已矣一字作爰書堪勒高入死是非倘不昧羞惡有如此紛紛壁上題名壽方伊始熊人霖麻姑山詩瑤池西海白雲何英英王母怡妙顏憐此塵中人東過匡續廬南顧子騫亭偶然睠茲地青鳥下雲岑此中鳥爪女欣然得逢迎勞勞周穆王何似王方平麻源第三谷追和謝康樂尋雲及春晴煙嵐生遙艷一軟麻姑泉探源會幽騁冉冉丹霞來勝槩深相引丘匠原復曠樹石散以整峽蝶媚新枝竹雞期舊嶺薄雲櫻危巒出沒玄猿逞山家細筍

香薄酒無嫌冷伐山良以勞循溪信安穩。鄧漢豫章
 王孫幼晉來吓見麻姑泉釀不敢嘗馳獻尊人孔陽先
 生為壽余美其事系之以詩麻姑得道日鍊藥此山中
 姑齒昔尚少狡獪事不窮呪山吐飛泉泓渟瀉太空蕩
 邪復難老華清表神功涓涓晝夜流疑與海眼通滄桑
 尚有變期之天地終王孫蘊靈氣吐論標玄風枕中得
 秘術冥感來八公綽約冰雪姿暮年忽方瞳有子如更
 生不獨詞賦工黃金度可成揮手出鴻濛道逢麻姑仙
 宴集金銀宮中坐獬麟脯厭飫饌事豐芬芳達內外不
 與世人同天漿出神瀆瀉作真珠紅執杓不敢嘗將以
 遺阿翁油囊載滿斗千里命飛鴻開口未及燕衰鬢忽
 還童習習毛羽生眇若鸞鳳狎顧視世上事彼哉猶蟻
 矇。徐芳步龍門橋有感詩不作天飛去清冷一水間
 樵漁憑唾笑松石只潺湲舊業殘為雨新知半在山稍
 無且網逼魚服暫開顏庚寅夏同友姑山踏月懶慢經
 行恕猖狂夜坐同尋松妻半碣問祀取三忠曲水小橋
 上輕香淡露中百年俱艸草長此足飄蓬。饒宇栻遊
 麻姑山詩域中只辨白雲橫到嶺纔驚雞犬聲雷雨晴

邊穿峽氣水田天外畫芝耕無窮萬物山前朽不死仙
 人山後生山後山人莫詫蓬萊山大地中虛脉迴還蓬瀛
 釀神功泉詩仙霞洞天麻溪遶紛紜嶺氣割昏曉幾道
 屈注此山間丹霞洞天麻溪遶紛紜嶺氣割昏曉幾道
 清流來碧澗哈呀天嶺勢交嵌百丈懸溜。燕。復。淳
 淳泓迸射白于霰龍門之下石一拳自從盤古初元年直
 到今年二月天片石之上。一。勺。泉。漢。代。乾。封。不。曾。乾。命
 日神功非偶然偶然却意姑泉酒三十年來未曾有却
 問山翁能釀否山翁又手前致詞昔年昇平全盛時如
 今荆棘生萋萋得飲豈問糟與醪請君自汲此泉去麩
 藥劑量參意制月明倘有。大。富。山。在。縣。東。五。里。甯。道。立
 笙鶴過開尊共說昇平事。大。富。山。在。縣。東。五。里。甯。道。立
 上層丘暫謁三真境番疑六月秋長江天際。芙蓉山在
 遠列岫望中幽把筆吟詩處猶如閩苑遊。芙蓉山在
 東十里聯枝疊瓣宛若秋江上芙蓉張栢。東。界。山。在。縣
 匡詩湘簾寒透千峯月石枕清分一榻雲。東。界。山。在。縣
 十里宋元祐。席。帽。山。在。縣。東。五。十。里。上。銳。下。濶。若。席。帽
 中。其。露。降。然。半。山。有。石。如。人。立。或。曰。南。唐。保

大間范越鳳擇地太平山在縣東五十里勢寬平昔劉于此真帽因名

魚輪山在縣東八十里峻劍山在縣東八十里龍門山在縣東六十

大旭山在縣東八十里先見故名禪山在縣東七十里遠坐端

山側有金船遇風石筍山在縣東二百里有石尖銳如

雨夜光景著見從姑山在縣東南五里魁然圓頂若人

盡向雲中綠犢從姑山踞而坐登山緣石磴而上數百

角偏從雨後青從姑山踞而坐登山緣石磴而上數百

級有雙石峙如門名鐵關又上數十級為靈峯寺殿閣

皆倚巖瞰空為棧道左有小巖名觀音山石泉聲淙然懸

岩下為井清寒襲人名玉井又左有石洞杳而深黑名

玉洞一名伏虎洞洞中竇名玉竇洞橫貫石中石壁立

而中裂一裂痕若齒名天梯一山巋然當空名天柱據

天梯仰窺天小僅如線名一線天岐出稍上數十級可

至絕頂頂有石如杵世傳仙人奕于上二江如雙虹自

天蜿蜒而下勝槩萬狀真足為麻姑之從也各人題咏

甚富附麻姑集吳會詩寒餘竹澗三冬雪風吼松崖六

月雷伏火烘錢煎茗竈淡煙吹落雨花臺羅汝芳從姑

山圖序記按圖景茲山以飛鰲為最中自入山至峯下

長春閣左右為扁凡八處一區也並鰲峯稍東為冲虛

往東走石林嶮巖幾不可足將半里許乃下至洞天山蓋道院也客從城來登則首自茲人取道由此前至正南當林塘與要間闢一巨圃亭其中曰坐春與前洞天山又各為一區扁各六處茲三區者則去飛鰲峰稍遠然勢亦叢接非百武外也諸命扁名義詳具各圖下合之則為景凡十區云

熊人霖游從姑山記從姑者從麻姑也世人多言從姑勝則以麻姑違城半舍美人如浮雲可望不可攀而從姑郊于盱也花影臨溪有目共賞余既度徐嶺徑青綏則普陀嵐光赤藕霞色間有若遠若近掩抑遷延而姍姍其來遲者從姑也駕未及稅恍如坐芳洲杜若中矣稅于東郊從姑若矯首于石越二日天氣晴和輕衫從之不五里而遠即至山下山臨東江盱江間二水浮烟若增眉黛而麓去溪又頗紆折似設帷幕而環珮自矜不欲覲粧效洛神凌波其勝絕正在近遠間而世說所艷曰玉印曰一線天曰天梯曰米洞曰油洞曰奕枰者即之直如人所應有亦不必不有耳蓋山之巔本圓而巔上皆巨石削成四方是世所稱玉印中罇焉即之若戶是世所稱一線天捫罇折而

人稍鑿為級可拾是曰天梯拾級造上頭履之坦坦且曰奕枰降而左右沿之得二小洞其一洞氣如陳倉之粟其一洞氣如戎菽之膏是曰米洞油洞蓋土本有穰穰作其之氣蒸發于石罅而陰洞滙蓄時有風從外襲則內氣愈亨乃世言昔日有米有油為修真絕塵之士供夕膳晨餐者有賤丈夫恣取焉遂絕不復供特齊諧之野語哉然孟嘗不貪去珠還浦三星在留不亦可為竭澤戒耶志稱山上有靈峰寺今特小庵架翠微而庵中一二老衲樸樸督耕畝田見客不輟止二沙彌導余登陟且迭為掖之不憚煩到方丈飯客一蔬侍坐甚恭謹無他語凡僧所應有不必有殊喜不累游襟也庵左為近溪先生讀書處後一小洞其下有泉焉厥清涓涓其上若承塵之平即之先生如在焉而世傳先生初闢同時擬議題數字于石踰月再剔塵土則先有字如所擬議者是又將以禪那再來相詫乎世人所說開山掌故與橋亭之點綴磨崖之題咏大抵皆在不必有之例余來時岸谷推移苔蘚虧蔽而所逢僧皆有高座上人意殊快事也山前俯一石阜不甚高而特起無所屬石

麟鱗如毅如波又如覆蟠桃半核余名之曰石浪殆奇
 觀也撰杖而出即南走麻姑道矣以日暮且歸而他日
 借賀子許子重游之凡三往其游麻姑而過此者再一
 日訪圭峰先生近溪先生故里又過此至南園岡而返
 途中多岬崿踈時田中人家烟火時從幽篁古樹間出
 南園桃杏猶盛蓋東走閩中道也達城已三十里乘興
 欲尋勝畢姑巖而僕痛告歸南望軍峰率律倚天奇為
 壯觀友人吳子芳仲鄧子日生皆有園違從姑不遠余
 每來觴咏則暮紫飛落襟袖矣已余徙寓南台下山
 故郡南門左翼也每旦登山則從姑晨粧如笑在字詰
 日始出曰盱古人于天地自然之勝風有會心乎南山
 景雲二寺不遠一里寺後古津斷橋小艇飛鷺對峙小
 有園野是圭峰讀書處左有大阜高秀瞰城岡志書阜
 為富當是南音之訛若閩中則盡以阜為富矣從寺後
 負松括席草坐具有幽致何必勞勞効康樂伐山耶步
 而西四里過黃堂廟又西可五里許即得靈谷自靈谷
 轉而南二里即得雲門余凡再遊別有記而間從黃堂
 圻而北遂至鳳凰岡岡為郡治之宸一望則城中畢取

諸眼而故郡治占勝蓋地脉從西北來先分一支從赤
 璫迤入城為故荆益宮殿實郡治之几案而郡治導鳳
 凰泉小溪為帶從姑為進案若故宮虛左僅僅中洲浮
 水上寧足為蔽耶芳草萋萋惆悵何極酌鳳凰泉試簫
 曲茶良勝而李泰伯墓在山麓泰伯與陳同甫皆儒者
 之他山其集可遂令湮沒耶一日北過章山永壽寺登
 閣展藏經是先朝勅賜聖書護持者故事得假鹵簿中旌
 仗數隊為聖書護至今猶與華藏幡蓋齊輝荆棘以來
 此寺尚稱宏麗俯仰悵然寺後茂樹千章修竹萬个足
 供游息又北過萬年橋長虹卧波凡三十餘洞欄砌白
 石齒齒嘆息全盛時物力之饒度橋為武岡山山為郡
 治鎖鍵雄高足稱砥柱其率者之危成危毀于損益無
 關獨志仍俗訛稱為鳥江可笑山上小庵祠玄武則眾
 勝畢收稍進為東芙蓉山峻特有飛葩吐萼之勢至此
 北望沃牛石南望麻姑巖雖隔一舍外而山光澹宕遙
 集間又循北而東而南則從姑又若遲余歸也蓋余在
 盱無日而非遊從姑也余怪世人所言從姑之勝似尋
 香于屨響之廊而欲脂粉相贈幾何不令山靈勒移文

山川

二十三

乎輒述此為寫炤 羅汝芳和林公祖韵八首五馬謾
 蕭蕭山蹊起雪消晴光紛日望野色淨相邀樹出蒼浮
 鳴江空碧映橋芳樽臨草閣客興倚雲遙其二海月初
 涵霽光回草樹新使君清不厭山閣話仍親茗瀹纖塵
 寂歌傳滿座春歲占徵上瑞豐樂看垂紳其三竹檻坐
 蕭蕭煩襟共雪消事原從偶得客豈待人邀一線留雲
 峽千尋架壑橋翩翩扶醉上蓬島路非遙其四命駕星
 前夙看山雪後新簷梅疎可折庭日煦堪親醉領宸中
 趣寒回谷底春使君珍重意願得久書紳其五風雪夜
 蕭蕭嚴寒酒莫消那堪山外曉復是郡中邀細草涇當
 徑疎梅芳隔橋林光行處好出郭况非遙其六野涇凍
 初釋村沽釀更新溪山晴自媚蒼翠遠相親得趣渾忘
 暮當梅欲問春况茲逢盛世位列盡儒紳其七風竹影
 蕭蕭朝看雪半消賓筵當檻啓使節為君邀煮茗敲巖
 溜尋梅渡板橋恍疑遊碧落天路孰云遙其八雪霽臨
 丹嶠山容入望新杯添寒漸薄坐人意逾親嶺表今無
 警嚴隈剩有春年來疎病劇羸得解朝紳 楊守仁登
 從姑山和前人韵 野水共蕭蕭林深暑亦消層霄能枉

駕勝地故相邀躡蹻登扳蟾窟傳杯上石橋更携天柱望
 山盡海雲遙其二仙蛻禪衣舊僧留石偈新隔年雲
 迥今日咲譚親 羅汝芳登從姑山詩靈峰勝跡幾何年
 千仍媿儒紳 羅汝芳登從姑山詩靈峰勝跡幾何年
 此日登臨不偶然石擘巨靈青拔地水分旰姥碧涵天
 欄柯人散閑棋局飛錫僧歸裊篆煙薄暮鐘聲催攬轡
 滿懷詩思浩無邊題從姑山前峯書屋十景朝陽閣樹圍
 高閣影萋萋閣上朝陽滿 題林霽洞雲光掩暎望中
 真是九苞齊見雲堂無畔名峰表麗雲仙翁行處更細
 縕 逢一夕飛龍杖雲逐峰嵐萬影紛潛光軒仙人當
 日 躑躅夾傍幽巖探月華留得寒光今不散朝朝雲
 湧 川霞綠雪檻巖柯壁蔓密逾封光嵌靈儒影萬重
 客到漫誰題綠雪東風回處更溶溶洗心臺詩禮趨庭
 蹟未陳洗心何處密潛神祇應宇宙空澄外箇裏靈臺萬
 劫春冲虛巖仙袂冲虛今幾時空留巖上碧雲垂冷冷
 不盡泉聲咽似向東風助客悲玉冷泉勃海空留紫霧
 漫玉鰲天表躍飛湍當年為擁麻姑駕帶得清冷萬古
 寒浸碧池誰鑿方池傍斗垣瑶光長日涇仙源雙成音

山川

二古

好傳青鳥寄得蟠桃石上餐印空石分得崑岡第一標
 片雲斜掛玉稜翹山靈偷借傳心印白日空池佛影搖
 滴翠崖誰刮蒼萊掠海東踏殘千樹玉梧桐麻姑不敢
 聞天上翠洒仙瓢萬里風○羅汝芳從姑山雜咏天柱
 峰頭萬法壇芙蓉疊翠玉屏看晚霞忽霽瑶空月渤海
 雲涵紫氣漫其二天柱峯頭淨曉霞分光長照洞仙家
 千峯兩岸羅青玉洞口烟雲萬樹斜其三三天柱峯高萬
 疊藏竹松襟袂照青蒼倚闌夜宿空閣三際燈隨海
 月光其四松柯梅幹匝三腰翠結光寒夜未消好約仙
 人王子晉月明堂上共吹簫其五步天橋已半雲間橋
 ○外雲窩意更閑峰影斜懸梯作徑峽光低轉洞為關○
 熊人霖從姑山詩杜若春洲長尋芳問從姑露輕膏石
 髮花重艷蜂鬚拾級浮雲迥排空海島孤香風吹不盡
 眇眇到蓬壺其二從姑者從麻姑也為之解江魚多賤
 從海燕不孤鳴誰謂神仙者蓬瀛獨自行隔河瞻貴妙
 映水覺愁生莫是天孫女招携小玉清○釋曠峯登從
 姑謁羅明德祠俎豆已荒殘顏楹孰倚欄文章番斗極
 氣節凜霜寒江水誰同濯泰山空自巖緇衣有舊好還

欲授 洞天山

近從 姑山

雲蓋山

東道王維夔記南城一邑
徑圍甫伯十里而藩邸郡署

以逮士民屢舍棊置不下數千故推江右上游秀美翠
 焉其先以文章理學科第名世代不乏人邇乃落若晨
 星奇變疊出至勤有司當道之著畫輒愕不自辨形家
 老僉謂雲蓋祖龍之受傷寔甚余時正治邑徬徨於諮
 諏善道間吳李諸孝廉首疏其狀以請且挾郡大夫之
 善堪輿者俱余聞而躓之立飭輿馬檄里老以從至則
 環按其所孔竇百數如穴如鼻深窈不可測廉其旁近
 言伐山鑿石日以百輩雖間嘗吐紅嵐白炁觸者無不
 僵暈竟不以却吁嗟一灰礦耳匪五金冶鑄有裨經用
 而又通城百萬所托根焉且微若脉細若氣精衛百益
 而弗得而堪此旦旦之伐也耶聞之山崔嵬以差峩人
 磊落而英多靈傑相待不虛久矣人身一扼其吭四大
 都廢通體卽以不靈曾蜂鶴腰膝之奇渺百孔耗泄靈
 秘杳然欲盡而猶望盛美不衰得乎亟下令禁之僅得
 少輟無何余以入朝題留而諸孝廉亦各公車北上禁
 益弛變故益繁鄉紳之望形者憂益厯矣維時待御陳

山川

又三十四

公本偕諸紳士並申其請前道洗公憲祖尚守郡暨臺
檄交下詰責而土人王宇吳章之侵竊嫖利者罪狀始
益著其紛攘窺覬猶耽耽未忘也繕部鄭公之文遂倡
公贖侍御毅然代贖以公之吁嗟義哉余頃奉璽書備
兵再蒞茲土首諮地方要害則聞禁復嚴穴竇復室而
雲蓋之靈秀當亦復萃因喜而嘆曰余曩所可孝廉之
請者至今日始竣於以卜英傑之雲蒸雷奮與先達之
競爽嗣微者必不遠也吳孝廉更以請曰法久則踈情
久則玩可無數字斧鉞以誠悚之匪但聲靈彈壓足為
經久將威德之在人心者千載若新耳余多其慮之遠
亦曰令異日者睹此片石而見侍御公暨諸名紳嘉惠
地方如此其拳切繼起者當無忘嗣述也爰慮始末而
並識之昔崇禎辛未仲秋立後至

國朝康熙十一年十一月合郡紳士公呈為地脉氣關國
脉山靈命係生靈懇恩勒石重新舊禁以安郡治以保
殘黎事蒙本府高公申詳部院二司復同紳士往山親
勘查明舊碑隨經府廳縣會審將盜挖豪棍律懲本山
新連坑峭石源姜畝東家陂高陂嶺諸處蓬灶盡拆復

勒石詳載邑志 蔡甲山 在縣西十里麻姑山嶺之仙

山 在縣西五里陳繹詩佳山多銅山 在縣西十五里謝
間 霧應山 在縣西十里常有雲廩山 在縣西十里上楊

公山 在縣南虎頭山 在縣南雲山 在縣南六十里唐時

揚傑詩白雲隨師來師逐白雲 鳳凰山 在縣北二里世

止山空師何在木末白雲起 鳳凰山 傳鳳凰嘗翔于

此今俗于重九日老幼扶携窮日登覽昉桓景登高之

意揚傑凌雲亭詩我本耕釣夫素嗜山水樂補吏來可
江潛解組綬縛獨上凌雲行青梯入寥廓萬象富觀覽
四面峻巖壑天風襲衣襟斷霞半空落仙家雞犬鳴鷺

起巢松鶴勝遊最後時萍梗念女冠山 在縣北五十里
漂泊回首顧人間佳景滿城郭 潭山 在縣北六十

白馬山

在縣北九十里上有龍潭**銅斗峯**在縣東北九十里

遙樓峯

在縣東七十里宋時峯鳴聞數里近石筍山

麻姑山陽上

華表峯

在縣西二里**仙羊峯**在麻姑山鄒矩詩

上青天仙人撫我頂綠髮雙垂

葛仙峯

在麻姑山昔葛

呂南公詩南峯枕崇坂逕路荆榛稠遺壇在其巔名為

仙翁留石角已剝泐林芳自春秋誰云骨中塵來繼冲

霄**秦人峯**

在麻姑山相傳秦人避亂于此有樵者遇之

雖甚苛秦吏若猶拙山林不數里俾汝逃得脫子觀世

上事政役火烈烈苟非為鬼神何計避羈繼聖皇今在御

百事咸均節常披詔書意苦念生財竭誰能將**逍遙峯**在

順者所望在賢哲無使峯中人笑我民屠裂**道遙峯**在

姑山王文卿詩聳漢仙峯一柱清晴春登覽四山明

雲畫護神光現瑞月宵臨法樂鳴華子岡頭靈運賦七

星杉下蔡經盟慨思今古**五老峯**

係仙都觀對山**飛爐峯**仙都

無窮事那得逍遙自在情**飛螯峯**即靈雲

火**丹霞峯**○**齊雲峯**麻姑山絕頂諸生

芝峯○**天柱峯**麻姑**鍾臺峯**在縣西三十里昔有閩僧

且呪曰欲伴吾脩行可隨吾所至虎緩步隨之至此峯

隱焉他日以萊葉浮溪有人尋水源而入見僧踏虎而

坐遂創**石仙峯**在縣北五里**郭仙峯**在縣北三十里世

庵焉**梓木嶺**在縣東十五里有**望州嶺**在縣東二十里

陟俯瞰郡城

風快嶺

在縣西五里不甚高而虛曠洞達

如在几席

駝鞍嶺

在縣西十里呂南公詩溪田橋**華子岡**縣西十

傳華子期者九江人角里弟子得仙翔集于此謝靈運

詩南州實炎德桂樹凌寒山銅陵映碧澗石蹬瀉紅泉既

往隱淪客亦栖肥遯賢險徑無側度天路非術阡遂登
羣峯首邈若升雲煙羽人絕髣髴丹丘徒空荃圖牒復
磨滅碑版誰開傳莫辨百世後安知千載前且申
獨往意乘月弄潺湲常充俄頃用豈為古今然

在縣南十五里賢良陳仲父居此人贈以詩曰每當春
秋社時候萬家置酒神仙居巖花野草照几席溪風谷

靄青 曬 龜 石 在縣東二十五里麻潭之 落 消 石 在縣東
襟裾 謝靈運詩暮宿落消 仙 君 石 在縣東四十里出田中平

石是也 今名硝石 廣如枰旁列小石峰十數

響石 在縣東五十里巨石臨路高數百仞其上 綿 纏 石
平可坐百餘人往來語笑聲應答如響

在縣東五十里石初低小凡禱者以綿一幕 龍 石 在縣
纏其上今漸高大雖用綿十倍不能布矣

十里李莘記云有龍驤 獅 子 石 在縣東九十里首昂 鼓
首曝鬣于上人或見之 似獅鑿處猶有痕迹

石 在縣東北百里形似鼓腰 赤 面 石 在縣西五里一名
有痕面旋若繩繫之狀 紅屏石布政左贊

賞花詩序野江赤面石一名紅屏舊志目為郡之印山
上有三仙祠靈響特著又名靈寶山 成 化 乙 酉 夏 五 月

既望余以內艱服闋將之京從兄時良曰赤石之約久
矣盍乘閒一遊乎凌晨蓐食出儀鳳門西行可五里折

東北又三四里始至山麓石磴絕險攀緣惟艱憇祠宇
下猶足顛心悸良久憑欄俯瞰石壁斗絕惟東北切弱

篠動搖可愛從兄曰若花卉點綴尤佳余乃效石延年
命從者泥裹桃核數枚擲下然亦未必其果發花否歲

壬辰冬余謁告展先墓山中道士彭志寬來白向所投
核頃歲花發盈砌花時須往一觀會修撰張啓昭亦以

省親還遂同諾之明年春二月二十日聞守信甯泰亨
偕道士期次日登山從兄聞之亦欣然欲往以山前路

險山後差平先戒子憲偕鄭參及余偕鄧昇候石崇觀
是日天氣和暢余與從兄修撰各乘肩輿出西郭華表

峯訪饒民厚遙見白衣二人隱見石蹬間意必守信泰
亨也至觀憲輩來迎時彥叅議亦先在焉觀之住持肅

客坐堂上飲茶畢乃導由觀北折而東路果稍平約二
里至赤石守信具饌甚腆更酬交酢劇談大笑巖谷皆

應而山均桃花正開二株特盛從兄乃析昔人詩山桃
 發紅萼一句為韵能詩者各摘一言賦之不拘選律夕
 陽將薄西山循左山徒步下丘坊且吟且行從兄時年
 六十有二行甚速後生顧不能及眾曰此翁良矍鑠至
 平地或騎或乘入城而鳥銜暝色歸林矣翌日詩成凡
 如干首從兄及同遊者以余與修譔俱非久處鄉井者
 而重遊未有定期宜紀歲月**金塘石**在縣西三十里舊
 各藏一通以俟異時續遊云
玳瑁石在麻姑山鄒矩詩仙人為玳瑁化作山中
 名飛來墮雙鳥李盱江詩前有縣大夫取此石為器器然
 夸謂予材與工俱美如何爾鄉人器用曾莫備無乃居
 荒陬俗鄙不喜事若云此石堅攻磨動時歲官用錢出
 民民用錢出已出民官不知喜事誠可貴出已乃傷財
 誰能不惜費大夫聞此言如有所**磁龜石**在縣南七十
 念矣今君偕是詩誰敢報嘉惠
 仙龜或曰是磁也羅圭峯興復磁龜引磁龜者有石伏
 于溪之心若龜焉人以其石磁石也故名在盱城之西

南八十里其地率然若舟之艤于絕巘而其水之會而
 出也若門焉門之外人可躍而過也自是犬牙阨塞水
 行歎竇間衝齧怒號凡二里復為平疇凡袤四里匯而
 為潭汪洋演迤自高而注下為瀑其聲四時如雷鳴瀑
 之下兩涯斬削自是幽深玄黑獸啼鳥跡之所莫至其
 上常覆以黑青之雲俗傳其下為九龍之窟春夏之交
 白晝晦冥飄雨時至自上世來未有窮其處者如是凡
 十五六里山始開水始平又凡十里乃達于盱之江故
 磁龜達盱之路必由它陸蓋避是險也而茲記之所未
 及者其遊自北而來而其反亦必如之宜不得而記也
 磁龜自唐危全諷之亂始祖侍御史抱字德稱徙居之
 而始有聞宋遂以富顯此記相傳燬于紅巾之兵或曰
 紅巾之前已失之曾祖司稅府君求之祖畊隱府君又
 求之先西莊太史公如二府君之志皆不能得于今百
 六十餘年矣意者天其有待乎不然侍先生素矣不知
 緒論其幾聞也而迄未及及必以風雷之變而若是其
 奇也噫天於斯文其果無意乎哉故敢補記之所未及
 者丐先生發焉曰得遊磁龜記將勒之貞珉歸樹于

里之通衢以示于無窮惟俯垂允賜鬼洞巖在縣東二

焉實斯文幸甚吾里幸甚吾氏幸甚志巫者劉仙師持炬自前門抵後門出宋時亦有巫

者為里人治病率眾驅祟持炬入半洞畏怖而反五

藏巖在縣東五十里巖上皆石水簾巖沈彬詩水簾巖

底見秋澤巖在從姑山以歲旱禱二虎巖在縣南五十

龍眠政因旱于巖上曝身蛇舌巖今失伏虎洞在縣南

祈雨時有二虎伏巖畔身乃丹霞洞直上窮雲霓中寬入

姑山上一丹霞洞在縣南二十里李盱江詩山西十數

名玉洞丹霞洞乃丹霞洞直上窮雲霓中寬入

壘甕紅塵生不識明月手可捧人家十里遙泉源六戶

凍風雨氣勢惡草木精神疎靈物少形現仙官何職貢

俗綠易厭薄舊事足愁痛風洞在丹霞觀半山風所出

寄語松上鶴他年期一控風洞處草木不生人跡罕到

雖三伏亦三谷第一谷在麻姑南澗深邃周回數里第

凜凜寒氣三谷二谷在麻姑北澗多奇花異卉第三谷

在麻源陳肅記康樂駐征車詩吟第三谷紫桂左岳

映巖扉白雲抱山腹冷冷碧澗泉風來似琴曲

西四十右岳在縣西三盱水清燭鬚眉故各盱水或謂

五里盱說文云日始出曰盱旦氣清明之也南唐韓

故載云江南之盱村有老母生三子掛五銖衣遊於物

外久之能變化母喜食魚日于黎沮澤中取二鯉石頭

數年挈其子登洪西山而仙去當時號盱姥江

港源在縣東五里發澳港在縣東四十里源發為澳港

東八十里發源自瀘溪石礮溪在縣南五十里傍有石

通貴溪縣之仙巖渡或以水石墜龍溪源在縣南八十

其所注測之益深或以水石墜龍溪源在縣南八十

而試之竟不知所出人咸異之龍溪源在縣南八十

門通汝山川佳勝李山岳溪在縣北三十里龜湖在

甫居之故號龍溪釣叟云岳溪在縣北三十里龜湖在

東五里地識云龜湖衝破狀元生淳祐中張淵微及第

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

狀元一名嶠湖李永年詩山色湖光翠黛勾湖邊結屋

幾經春只今駟馬高車師姑湖在縣東四十里世傳舊

客還是當年夜讀人湖在天湖在縣東四十里五藏巖之側一石山如禾困仰

極旱而常稔金龜湖在縣東五十里湖中有石端龍湖

故曰天湖在縣東八十里舊有蛤湖在縣西三十里有石礫百丈

龍遊其間人或見之天井湖在縣西南二十里高山上下入湖多產蟹蛤

滿湖禾鯉湖在縣南四十里昔有雙鯉遊其間其高規

不枯在縣北十五里舊名聚水湖熙寧中大源龍潭在縣

湖在縣北十五里舊名聚水湖熙寧中大源龍潭在縣

里昔為人居一高志潭在縣東十五里潭深莫測元豐

旦龍出陷為澤潭中近驛路有石岩廣約四五丈穴復高燥時陰晦直

入巖底遂迷所出三口迺霽巖穴映光隨處得故道而

出治平中大水鄉人見黃龍橫龜潭在縣東二十五里

于水上壅漲高數丈潭亦湮塞有龜出于中近

有漁者云潭深不可測盛夏水冷如冰其中有石穴不

敢近潭側有萬氏居治平元年堂甍偶發一窟極深多

投鐵器併稿枯畚土築之今履其黃母潭在縣東四十

上猶龍窠有聲或以為龜穴其下鱗甲爛然歲

者察然謔母潭在縣東四十里父老相傳中嘗有龍見

浮屢石壁龍潭在縣東四十里雷震晦冥忽有物鳴聞數里

有驗如是者月餘天井潭在縣東七十里世傳欲雨魚踰山

人以爲龍吟龍潭在縣東九十里其深莫測人呼爲海眼有龍居焉

龍潭側有龍王廟歲旱以鉄投潭雨隨如注成化間有

巫者至壇命兒投鉄符于潭雷雨暴至一石虎潭在縣

黑犬迫兒甚隨死焉或曰龍怒而傷之相紹興中果填後魯布拜相金龍潭在縣南十五里麻

里許地識云石虎潭填出宰金龍潭姑山上舊志唐玄

山

三十

宗投金龍于石曾潭在縣南七十里界潭在縣南八十里

城中感黃龍見有龍王祠城南豐之間上投龍潭在縣北四十里每雷

有危全輿祖墓姑山金潭雨將作則雲氣滃翳

于中洲在通會門外大江之中草木葱蒨春水雖泛漲

上程鉅夫官翰林麻源在縣西十五里循溪而入各茂

後程鉅夫以爲應林修竹土田沃衍李野江詩一

承旨人好聒人蔣之奇詩泉飛石磴尚微紅澗出銅陵

到麻源日又曛幾回欲起却逡巡世間豈是無山水不

奈閑人好聒人蔣之奇詩泉飛石磴尚微紅澗出銅陵

碧數重遙想謝公臨郡桃花源在縣南十五里舊有小溪

日幾回侵齒印苔封桃花源在縣南十五里舊有小溪

泉瀉石涯爭得時人見洪源在縣南十五里舊有小溪

鸞鳳不教身去憶煙霞洪源在縣南十五里舊有小溪

有雙鯉自民居躍出九曲陂在縣西天井在縣東二里

破陳家山而入江焉九曲陂在縣西天井在縣東二里

龍門山天井在縣東十里泉湧歲九龍井在縣南四十

旱輒湯塘泉在縣東八十里有泉湧靈泉在縣東北八

禱此湯塘泉出如沸湯至冬熱尤甚靈泉在縣東北八

泉一名定應水在縣南五里秋澤巖神功泉在縣南五里

直上亂雲頭天光隱映芙蓉曉黛色照微薛
東華山在

東三十里南臺山上有浮圖塔許靈峰山有仙祠在青

銅山在九都上旃壇龍口山在五都下有寶應山在十

與聯珠峰聖塲山在二十七都上有福善山在二十九

相應故名雲蓋山在縣東南七十里有靈泉左時翊記

坐化振衣在寥廓仰瞻近紅雲俯視小城郭臨風發長嘯咳

唾珠玉落黃冠採芝回遺我長生藥載詠紫霞篇謂仙

良可學但我非仙才媿彼巢松石雲山在縣東南金嶂

鶴願携謝眺詩絕頂恣遊樂石雲山在縣東南金嶂

旗左如旗鼓山在縣西南三里右如展

翠雲聶家尖山在縣西五十里紫雲山在縣西五十里其華蓋

山在縣西七十里石龍山在縣西南八十里南山在縣

縣治對峙九日士民昉桓景馬鞍山在縣南十里形肖

事遊宴其上又名登高山馬鞍山故名昔潘禪師為

曾密公家葬金峯山在縣南二十里山密石山在縣南

荷石先瑩金峯山勢尖秀名金華峰密石山在縣南

三名矗立仙人港口山在縣南七十里重石山在縣南

故名密石仙人港口山上有盧聖仙壇重石山在縣南

一名紫靈山在縣南八十里昔有僧在山巔眾鳥銜土

靈山禪山在縣南八十里昔有僧在山巔眾鳥銜土

馬茨湖壁立峯跌坐三峯在縣東三十里何家峰祝

而逝故山猶以三峯家峰擊鼓峰聯秀並美祝

籠峯則巖巖然不知所止或塞之聲愈怒而竅復通連

珠峯在縣東六十里羣峰聯屬而一頓旗峯在縣東六

峰獨高取五星聯珠之義名之頓旗峯在縣東六

十里世傳

有人頓旗于**武陵峯**在縣東六十里下有**西華峯**在縣東南

上錐竅猶存**香爐峯**在縣西南八十里

八十里世傳唐僧結廬修**何竺峯**有石圓聳如爐

羅**羅峯**寺曰興福廟曰惠應**蓮花峯**在縣西北四十里

李禪師於此尸解傳**紫雲峯**在縣南七十里

漢**漢峯**在縣北望仙終日望仙不見始知仙道若茫然

上**白馬嶺**在縣東十五里**弋陽嶺**在縣東四十里

東南六十里陳軒詩盤盤百折繞青雲重跡行**捲嶺**在

東二十里春聊把一麾山下過倉皇偷媿道傍人**展仙**

迴若風捲練帶**大嶺**在縣東南八十里徑路寬展

君**君嶺**人被揖仙門外至環坐室中一日忽羽衣**九子嶺**

在縣西八十里**陳豐嶺**在縣西北八十里世傳**望市**

九峰相連故名**察銀嶺**在縣南三十里昔宋史體**吉嶺**在縣

嶺一在縣南許**神龜岡**在縣東北五里許形若神龜有方

五里形勢靜**石**在縣東出狀元**獅子岡**東三十里一在縣東北

石方在縣南豐出狀元**石門**在縣東北三十里

東南六十里一在**鹽堆岡**狀若鹽堆**石門**在縣東北三十里

門里人曾**雌雄獅石**對一昂伏若雌雄馬**退石**在

此常卻步不前故名**蒸餅石**在迎軒門外石佛潭中歲

羅漢石 在縣西三十里許石暈隱然若世俗所繪羅漢者屏風

石 在縣西三十里許石暈隱然若世俗所繪羅漢者屏風

赤面石 在縣西南九十里伏虎巖 一在縣

讀書巖 在縣東

文定公讀書處也林見素詩文弊千年手幹回歐公以

書遺稿在南豐無客辨香來推埋石仙巖 在縣西十五

吏貫今衰白局何時得好開

委蛻之所有漢張道紫衣巖 在縣西五十里山石皆赤

壺公巖 在縣西九十里紫霄觀後世傳懸壺先生委蛻

不脆丹竈 巖高峻人跡罕到留一榻堅若沉香風雨

猶存焉 巖在縣北三月覺源洞 在縣東六十里有

石牛洞 在縣西南六十里峻絕中龍湖洞 在縣西二十

山茶洞 在縣西二十里多產白馬洞 在縣西南五十里昔

馬金沙洞 在縣西四十里桃源洞 在縣西南五里昔傳

就聞鷄聲而罷去至猪婆洞 在縣西七十里四面險峻

今疊石欲墮不墮 惟一狹徑可通里人嘗避

冠于梯雲洞 在縣西九十里有石門水 在縣南源流

浪港 在縣東二十里發源自新龍池九劇港 在縣東十

自盤菰荷港 在縣西南軍港 在縣西五里雙港 在縣北

源自老彭武溪 在縣東六十里荷石百丈溪 在縣西二

虎窟 在縣東一里許天井湖 在縣東北三十里

溪石 在縣東一里許天井湖 在縣東北三十里

三十四

光上下故日月湖在縣南十里黃龍潭在縣東四十里

名天井在縣東南三十里地石橫之險類小

焉歲旱禱雨輒應小姑潭在縣東如石門中又石橫之險類小

於小姑山之神祀于潭上靈梓潭在縣西北三十里循

鼓磔潭湖口潭在縣西五十里裝草潭龍口潭俱在軍九龍潭

在縣西五十里歲旱水插鼓潭在縣西七十里洞崖峭

有聲必雨人以是卜之號聲不息如鼓聲南臺潭在縣

餘丈圓徑數十尺溪水號聲有龍穴在焉

聞時見雲霧騰空世相傳有龍穴在焉

川橋南素稱險隘黃潭在縣南四十五里相公潭在縣南六

舟上下多預防之京潭在縣南四十五里相公潭在縣南六

乃相通歲旱潭京潭在縣南四十五里相公潭在縣南六

上雲生則雨京潭在縣南四十五里相公潭在縣南六

伍子義水井一在濟川橋頭一在濠頭一在中巷內一

在護法寺一在黃泥巷一在祝家巷北一蓮花泉在縣

在學背歲極旱不竭凡禱雨則十井皆祭

川上亭左昔人往浴溫泉在縣西南其露寺前有泉三

聞蓮花香氣故名溫泉溜里人以石砌為三池冷池

雖伏如水熱池雖臘亦沸惟溫泉可濯者隨意以和冷

熱有人投柱體於熱池頃刻即爛近泉數十步聞硫黃

氣丹泉在縣西迎門響泉在合塘崇岡峻嶺間泉流

者鑿廣石大南澗在縣東南五小南澗源自牛頭坑

聲遂不震里繞南臺下小南澗源自牛頭坑

新城縣福山在縣西南四十里邑之鎮山也舊名覆船

此有祠堂在焉晦翁詩迢迢百里外望望皆閩山皎日

勃當前百十里已見青突兀行瞻漸詳諦依約認毫忽

巾幗奮破露髮禿有險狀饑癯有坐似狀暗倬哉形態
 衆盡敘難以猝憶隨遊覽後深入禪宅窟樵徑坦復崎
 遙村現還沒是時五月晦寒氣尚切骨汲泉煮茶雲石
 峭沸鬻鬻夜垂紙帳卧疑近鬼窻宰曉引杖屨行巖壑
 偏綠躡幽坡獸跳跌佳樹鳥咽嗚飛瀑下層崖鏗清斷
 汗涸分流浹田壤千里利耕耨愛此爽灑都擬詠屢寒
 訥何由結廬舍靜收蔬茹梓廩山在縣東北十鷄籠山
 夢想空洞靈孤雲動颺颺
 在縣東十里三青山在縣東二十里華蓋山在縣東南
 圓如籠狀
 頂圓登東巖山在縣東旗山在縣東七十大寒山在縣
 如蓋
 四十里山頂平曠人踏日山在縣西隔百步形勢峭拔
 不到高處最寒故名
 可測一名天峯俗雲鷺山在縣西栖靈山在縣西北三
 呼爲日岫海門
 壇多仙臺山在縣西南高臺山在縣西南金籠山在縣
 靈跡

十里上有長生觀之魚山在縣西北五十屏山在縣西八
 下宣聖之裔居之
 屏上有何塞山在縣北七里有石壁立如人狀象山在
 巨跡
 北三十里山墮五龍峯在縣東四十里高聳白雲峯在
 然橫卧如象形
 東五里山壁螺旋峯在縣東五十里上有鳥孤峯在
 青峭時見白雲
 東八十里峯尖如月臺峯在縣東南二十大鷄小鷄峯
 筆特出衆山之表
 在縣西七十里兩峯並神童峯在縣西七十羊頭峯在
 列大小形勢如鷄冠然
 西八十里山高陡小合嶺在縣東二十里鷄鳩嶺在縣
 絕與福建爲界
 十里頂一小極高嶺在縣東六十飛鳶嶺在縣東七十
 峯如鵝鳩狀
 嶺謝靈運詩朝發悲猿嶠暮宿落消石俗傳嶺東興嶺
 有猿啼悲聲切切故名後訛悲爲飛猿爲鳶耳

在縣西三十里 **昭君嶺** 在縣西一百里元人石峽嶺 在縣北三十里許邑之

水口積石纒巖兩崖相 **坐禪石** 在縣東南二十里許上有巨履塔 **黃沙石**

對一水中流亦險勝也 在縣東南二十里山澗中有石大五尺許上有 **石籠** 在

馬跪膝一傍有蹄跡五世傳有仙乘馬過此 **石籠** 在

東三里 **店石** 在縣東南四十里形如高廩石足下 **仙人石**

在縣東忘歸石 在福山上世傳紹隆 **會仙巖** 在縣東南

七十里有仙壇 **虎板礫** 在縣東七十里高數百 **八大礫** 在縣

形如筆架 **虎板礫** 在縣東七十里高數百 **八大礫** 在縣

上有仙壇 **虎板礫** 在縣東七十里高數百 **八大礫** 在縣

五里 **明月礫** 在縣西北 **東山嶂** 在縣東南 **黎灘水** 在縣

里一名黎川世傳水自 **飛鳶水** 在縣東七十里 **九曲水** 在

一各黎川世傳水自 **飛鳶水** 在縣東七十里 **九曲水** 在

黎汾祖墓傍出故名 **飛鳶水** 在縣東七十里 **九曲水** 在

西北三十里 **冰壺水** 在縣西 **五福港** 在縣東二十里發

水流九折 **冰壺水** 在縣西 **五福港** 在縣東二十里發

沙溪 在縣東南三十里發源自 **荀溪** 在縣東四十五里

西溪 在縣西南十里發源自 **桃溪** 在縣西南五十里

瑞溪 在縣西八十里其源一自南豐仙 **龍池溪** 在縣西

源自西湖 在縣西四十里 **湖心** 在縣北五里即 **象湖** 在

北三十里發 **塵落潭** 在福山五里相傳有物如牛墜死

石壁更鼓二潭 在縣東南十里 **石板潭** 在縣東南十五

人善入水 **燕子潭** 在縣東南三十里 **鱖源潭** 在縣東南

者見之 **九龍潭** 在縣西南十里每雲 **隱泉** 在縣西

石潭 在縣東 **九龍潭** 在縣西南十里每雲 **隱泉** 在縣西

里井有銅底世傳 **鶴源** 在縣北三十里 **慈源寺** **七佛澗**

唐相鄭收鑿者 **鶴源** 在縣北三十里 **慈源寺** **七佛澗**

山川 前昔有靈雀翔翔水上 **七佛澗**

三十七

在縣東四十里發源自福山唐廣天心塘在縣西八十里萬山嶺上

濯纓池在縣治中

廣昌縣天堆山在縣東南溪中按舊志宋紹興間一夕雷雨大作聞砂礫聲有山屹然高數丈

童謠云天雷起石頭一夜成高丘五十年內與公東華侯至淳熙十一年何坦登進士官學士謚文定

山在南中華山在縣東西華山在縣西一里許山金華山在縣南四十里

山在縣西北南華山在縣南雙龜峯山在縣南四十里

翔鳳山在縣南五十里北華山在縣北金斗山在牛角灣

金月凹山在安望軍山在長上里突兀萬仞俯視軍峯

龜石錫杖石布袋石棋盤石水蓮花山在與城鄉平原

金鷄山在安盤峯山在天授鄉武陵山在吉祥里大小

崖山在湖金砂里桂大湖山在長松花山在長上里雲際

山在南雙秀峯在縣東仙人峯在縣西龜峯在安里禪嶺

在縣七里上脩嶺在縣西南六十里黃潭嶺在縣西南血木嶺

有庵祀僧軍營嶺在縣北梅嶺在縣新興橫嶺在

在縣南百二十里軍營嶺在縣北梅嶺在縣新興橫嶺在

由芹陽嶺在仁豐里水田劉季尖嶺在千金里世傳嚴

塘嶺在南龍岡在縣黃堂岡在縣鹿岡在吳鳳凰岡在

上栢木石在南老人石與栢木蟾石在文馬鞍石在文

筆架石在沙界陽石在文上里上容千百人石在新石門

一在裏莊水尾 黏石 在興牛石 在黃潭 佛乳石 在得興

一在安上里 如乳流出 黃土巖 在天授鄉中有雷神 寶陀巖 在文上

皆成佛面 靈泉疫者 燕巖 在黃聖棲巖 在吉石乳巖 在吉伏虎巖

飲之多愈 在監西真巖 在興觀峯巖 在揭芭蕉洞 在文牙梳嶂 在

南里 順化坪 在揭五湖坪 在文吓源 在縣南百二十里 血

里 將學溪 自金嶂發源經永米洲潭 在興石壁潭 在長郎

君潭 在新興里發石獅潭 在千金里發龍龜潭 在仁豐

自片石龍潭 在新興里潭有七星潭 在蕉斗角潭 在吉

陽嶺 石鼓潭 在吉祥里石高三牛眠潭 在文上里務軍潭 在

岸里發源 涪湖 在文桂湖 七曲迴流至白水鎮舟亦天

自肝水 井湖 在縣西南三十里山高數十丈山頂平而有泆州

在縣東南竹木葱栢木石龍井 在縣南二十石雩井 在

菁為縣治關鑰 西五十里金井 在塘坊之西尚書何喬新金井山居記

早禱應之 黃君愈敬之別墅也愈敬謂予曰自吾祖吾父以及吾

身家銀溪之上三世矣銀溪距縣治四十里然居民稠

密市肆浩穰吾病其未能遠煩囂而極山水之樂也故

擇其幽遐深遠者居之得金井焉金井多佳山水若平梳

障若飛來峰巔崖秀壑虎兕蹲而鸞鶴翥者皆環拱於

吾居而仙人井七星潭含煙雲而出風雨者近在東阡

金井山居子幸為吾記之又曰吾觀今之所謂巨室者
 營營焉務厚積以充其欲以遺其子孫良田美庄百計
 求之象犀珠玉珍麗之物巧取豪奪惟恐其不得也然
 不旋踵而歸於他姓者有之吾心愴焉故凡世之可欲
 者泊然其間所未能忘情者山水之樂耳為此所以成
 吾樂也山水之樂非良田美庄象犀珠玉珍麗之物可
 比庶幾可以終吾身遺吾子孫而豪有力者亦將不吾
 奪也予嘆曰愈敬之賢加人數等矣知煩囂之可厭而
 遠身於閒曠之野知貨財之不可守而娛情於山水之
 觀可不謂賢乎傳曰知者樂水仁者樂山觀其所樂可
 以知其德矣知以燭之仁以體之黃氏之慶澤蓋未有
 涯也異時過其居者見其喬木蔚然秀色在戶曰斯賢
 者之居也將有徘徊乾井在天井里滿仙人井之鳥石
 瞻仰而興嘆者矣
 峯古有井有楊仙至此欲飲水以杖
 拄其石泉湧出後有疾者飲即愈

瀘溪縣金竹山 在縣東一里
 沸山 在縣東一里
 石馬山 在縣南一里

魚山 在縣西一里
 平步山 在縣東一里
 登高山 在縣西一里
 驢騾山 在縣北一里
 鄭家坪山 在縣西一里

在縣東
 南華山 在縣東八里
 劉家山 在縣西二里
 普濟山 在縣西一里

古寨山 在縣北半里
 石筍山 在縣東二十里
 五鳳山 在縣東南二十里
 蓮花山 在縣東南二十里

山 在縣南十里
 方家山 在縣南十五里
 筆架山 在縣東十五里
 塔山 在縣東十五里
 盧廣山 在縣東十五里

山 在縣南十五里
 駝頭山 在縣南一里
 金山 在縣南二里
 芙蓉山 在縣南二里

陣雲山 在縣南三里
 五里山 在縣南二里
 雲姑山 在縣南三里
 長山 在縣南三里

白馬山 在縣南二里
 襄山 在縣南四里
 岐山 在縣南七里
 雲溪山 在縣南九里

溪山 在縣南十里
 大竹山 在縣南九里
 寶應山 在縣南十里
 尖刀山 在縣南十里
 魚崙山 在縣南十里

山 在縣南十里
 長慶山 在縣南九里
 有興梵寺
 馬鞍山 在縣南三里
 上山 在縣南三里
 福源山 在縣南三里

山 在十二都 東山 在十都 南山 在八都 九龍峯 在縣西南

道 九妙高峯 在縣北五里 鵝峯 在縣北八里 嘉靖壬子 雙螺

峯 在縣東北 銅斗峯 仙師峯 在縣東十里 逍遙樓峯 在

東 十八里 宋時 鼓樓峯 在縣東十八里 雙尖峯 在一都 船

嶺峯 在一都 金蟬峯 在二都 出雲峯 在二都 壁立千仞 綿

之祖 有詩 上洋峯 在五都 黃雀峯 在七都 琵琶峯 在七都 鸞頭

峯 在七都 鷄鳴峯 在九都 芙蓉峯 在十都 真十六峯 在十都 西

華峯 在十都 篁竹峯 在十都 養老峯 在十六都 銀屏峯 在十六

雙蛾峯 在六都 棟梁 蔓蘿峯 星映峯 在四都 大覺巖 在

東 三里 高石巖 在十都 風巖 雷公巖 電母巖 燕子巖

都 在一都 龍馬巖 在六都 南風巖 都 棋枰石 在縣南 交椅石

都 在一都 頭巾石 攔馬石 在縣西 牛耳石 在四都 鼓石 在四

將軍石 在十都 紗帽石 在十都 南港 在十五都 彭田港 在

三都 發源 嶺村港 在十都 發源 槎港 在一都 發源 大港

自 雙畚 鄉 漕倉 承次 禁潭 善濟潭 鵝公池潭 鴨公池潭

在 二都 出雲峯 石壁 四立 名 魚輪山潭 在十都 美女潭

在 十都 白馬山龍潭 在二都 酒泉 在縣東 溫泉 在四都 牛耳泉

靈泉 在六都 魚塘井 在溪中 龍井 在東坑 自靈井 在出雲

味極甘

建昌府志卷之三

輿地志

風俗坊街

土產市鎮

都圖

建昌屬揚州 ○其民二男五女其畜宜禽獸其穀宜稻

職方

民好劍輕死易發

前漢地理志

男子耕農種禾稻紵麻

女子桑蠶織績 ○火耕水耨民食魚稻以漁獵山伐為

業飲食還給不憂凍餓亦無千金之家

後漢地理志

江南之

氣躁勁厥性輕楊

晉地理志

其俗信鬼神好淫祀父子或異

居 ○君子善居室小人勤稼穡俗少爭訟而尚歌舞一

年蠶四五熟勤於績紡

隋地理志

無土山無濁水民乘是氣

往往清慧而文唐劉禹錫云藝文儒術為盛雖閭閻賤品處

力役之際吟咏不輟杜作通典其民氣剛而才武其士多以

經術論議文章致大名其他能以詞藝致身取高科而

登顯仕者亦不絕於當世宋朱晦庵進士題名記歲常豐饒民皆

禮讓王平叔建昌軍記此邦人人衣食足曾南豐麻姑山行比屋絃誦

與鄒魯同風張允脩平遠臺記人物秀麗傑特劉岑前賢遺像記市肆

繁密邑屋華好方輿勝覽盱江世多君子傅拳四賢堂記江右文風

盛矣有盛如建昌郡者乎○魁竒清淑之氣不盪為異

物而鍾于人趙時崢學記川澤衍沃有水物之饒永嘉東遷

衣冠多所萃止其後文物頗盛○其俗性悍而急喪葬

或不中禮脫脫宋史地理志

南城縣學富文清唐刁尚能南城縣羅城記其人足衣食俗樵少機

不肆文法為獄訟事間有豪猾戕之百端無敢言以豐

富之資加自重惜李盱江文集四縣文風盛矣有最盛如南

城者乎趙時崢學記鬻薪煮竹山氓可以不飢而田漁之利

在平疇商賈之積在城市人耻他藝能以走四方而士

之養高深藏者又不市名宦間出其聲獨彰天下皆知

有南城也○南城民尚通而善賈樂為遠遊○民之服

食宛與京邑等殊不類南方山澤中

明朝羅圭
峯文集

南豐縣民寡求而易足故椎埋鼓鑄盜寇之姦視諸隣

有弗為也

宋曾子開
軍山廟碑

舊俗淳樸變自庚寅民習爭戰

謹佑

平寇
碑

新城縣士君子敏而好學文而有禮

宋陳孔休
新城縣記

○為文

學之懿於東南在甲乙之目○才學輩出亦多膺仕

元虞

集脩
學記

山川英靈之氣鍾而為環偉傑出之才

陳樾進士
題名記

廣昌縣邑之山磅礴而秀水清碧而駛其靈則鍾之于

人其人出而為名進士以著譽當時代有之矣

明朝習
嘉言進

士題
名記

瀘溪縣俗椎少機其民不事商賈務耕織其地山環而

聳水縈而淺故氣高好勝而多情愔質美好文而少財

蓄
本縣志

四時土俗大畧

歲首

人最重年親族里隣咸衣冠交賀稍踈者註藉接
刺至易市肆以青果遞茶為敬凡三日不掃除不

傾水謂

新春
工牛以牛首紅白等色占水火等災以
公芒鞋帽占寒燠晴人家以生菜作春

盤茹春餅

集親友謂之
元宵
以蓬箬結棚通衢作燈市
遊人往來達曙燈有鰲山

會春客席謂之春臺座
刻飾楮帛或琉璃魚鮓竹絲菩
縷毬走馬窠菜等各皆刻飾楮帛或琉璃魚鮓竹絲菩
提葉等為之四周懸帶尤極精麗往時有張一燈費一

金者南豐縣裝成大架肩輿而迎之費尤甚故家子弟
 稍知書者作燈謎猜破多者為奇勝沿街煙火燎明有
 作架者植巨木縣十餘層設機火至藥發光怪百出若
 龍蛇飛走簾幕星斗人物花果之類燦然若神若
 景象吾猶及見之而驚蟄以秋穀接焦釜爆之以花而
 今無矣民財可知也
 為不生
 朝人家多行婚禮
 春合男女之判之意
 清明
 日插柳于
 柳謂之辟邪具牲醪掃墓以竹懸紙錢而插之謂之標
 作釘子食猶存禁煙寒食之意半月迺罷
 遲遲日景坐成曛聞說清明在此晨花卉不宜愁眼看
 勾芒能為幾人春銷磨志氣多因老點檢交游半作塵
 欲向醉鄉聊自適
 祭社
 祈秋日報
 江詩吳臺翫春
 病來還厭舉杯
 鎖春色雨刷花光入龍國田邊大樹啼老鴉野雲癡醉
 寒香牙年華欲住風雷惡蘭臉知秋淚先落時榮時謝
 無了期扶起混沌須神醫魯南豐里社詩郊天社地君
 所重翦結封匏微得供秦皇漢帝陋古初桀時殊壇傾

力奉年年屬車九重出羽衛千人萬人從黃金日搜盡
 崖窟飛檣走筆華燹動馬蹄路南村有社里老邀神迎
 且送荒林破屋風雨入野鼠山狐狼
 四月八日
 浴
 共何言茅簷古瓦甌稻飯豚蹄人得
 佛會有烏桐飯香水先時婦女往觀
 人家用百果作
 百和菜親隣傳送歲以為常是月坊保多欵錢建醮謂
 之襍災又謂之襍火先時裝演劇
 端午
 艾人啖角黍浮
 戲競奇夸富謂之迎神
 則省
 端午
 艾人啖角黍浮
 雄黃菖蒲酒小兒繫百索咸謂能辟
 謂不生亦觀競渡好事家持酒肉勞之謂之賞標
 六月
 曬衣人家食雞粥謂能
 七月七夕
 會羅拜月乞巧
 多用米粉煎油餛飩食李旰江詩天孫何許是來時月意
 惜惜露氣微可道星河難得過自緣烏鵲合高飛秋宵
 已勝春宵短今會還如古會稀
 中元
 俗為鬼節多設
 晚望夫能化石盡分人世作支機
 孟蘭
 中秋
 登樓翫月多用西瓜團餅亦取月圓
 九日
 百

風俗

四

果及肉雜米粉蒸菊花糕不限老幼登鳳凰鳳岡以傲登高避難之意十月一日於墳墓燒

化謂之送寒衣人冬至家人初不為重近時士夫臘月祀家開爐燒茶為會冬至家人行祀先禮人漸效之

竈俗謂竈神朝天言人家過失陸竈蒙祀竈解竈之壞者請新之既成又請擇吉日以祀之曰竈在祀典聞

之舊矣祭法曰王為群生立七祀其一曰竈達于庶人庶士止一祀或立戶或立竈飲食之事先自火化生民

賴之祀之可也或者其神居人間伺察小過作譴告者又曰竈鬼以時錄人功過上白於天當祀之以祈福祥

此僅出漢武帝時方士之言耳行之惑也苟行君子之道養老而慈幼寒同而飽均喪有哀祭有敬不忘禮以

約已不忘樂以和心室閭不欺屋漏不愧雖歲不一祀竈其誣我乎苟為小人之道盡反君子之行父子兄弟

夫婦人執一爨以自餬口專利以飾詐崇姦而樹非雖一歲百祀竈其私我乎天至高竈至下帝至尊嚴鬼至

幽反果能欺而告之是不忠也聽而受之是掃屋塵日不明也下不忠上不明又果何以為天帝乎

除小兒葷帶面其戲舞于市儻禮歲除是日換桃符春碎錄云歲旦爆竹于庭

世謂庭燎之禮非也物產

穀之屬救公饑三月種五月熟他種青六十日占地僅兩月而熟米白沙占三月種六月熟大穀占細穀占

粒小而純白中早遲於六十口占而池州占龍牙占以粒大小中早遲於六十口占而池州占龍牙占

異名耳油麻占麻陽占冬占穀粒似早占而芒刺長以上符中遣使由福建至占城國取三八月白者香白尤可

萬斛并種法故江淮間多種之八月白者香白尤可貴又名白粳米也青絲粳米色溫潤而白赤珠粳純

銀珠米也青絲粳米色溫潤而白赤珠粳純

物產

五

紅而鐵脚梗米性堅而難重陽精應節候而占木糯與

堅而鐵脚梗煮新城尤多重陽精熟故各十月種占木糯與

熟同青油糯穀粒白而長老人糯芒刺長四月種收

種十月收粒黑而毛豆六月種九月絹帶豆尺許羊角

粉白味亦滑毛豆六月種九月絹帶豆尺許羊角

豆名出江豆色赤黑四月種蠶豆一名寒豆九月種

刀豆似莢長而形羊眼豆短莢白花而實赤豆小於江豆

餅菜豆形圓小大煮熟似羊眼赤豆可澄沙作

蔬之屬菘白菜波菜本草云能解諸藥毒世莧菜

有紅韭菜一種而久者蘿苣苦蕒蒿苣性毒百蟲

紫白甜蒜有分瓣者有獨頭者重葱傳曰五葷鍊形茄

茗蓬甜蒜有分瓣者有獨頭者重葱傳曰五葷鍊形茄

二色白藟薑芫荽蕘菜味辣川芎香菜空菜

菜空而蔓蕘菜性冷芋火蕘宜燥薯山藥王瓜瓜

宜近水故白瓜後王瓜筍瓜西瓜冬瓜土瓜

最早熟者白瓜而熟筍瓜西瓜冬瓜土瓜

日瓜之王也白瓜而熟筍瓜西瓜冬瓜土瓜

○壺盧絲瓜性冷瓠芡白郎菰也芹水菜也香

○壺盧絲瓜性冷瓠芡白郎菰也芹水菜也香

擇新汲遠負盈素在英華兩相發光彩生戶牖初嘗蜜
 經齒久嚼泉垂口蠲煩慰諸親愈渴忻衆友肯視故畦
 瓜寧論濁泥藕歲晚迫風霜人饑梅味酸小者爲石梅
 乏藜糗真味雖暫御未許置樽酒梅大者爲水梅蘭坡
 鄭堦詩不有調羹風味李○橘○金橘○蜜橘金星与
 在清標空自老西湖枇杷○葡萄○柿○栗○棗○

類
 柑○橙子似柑而皮辛香者貴枇杷○葡萄○柿○栗○棗○

榴○楊梅○菱角○蓮○藕○櫻桃○葛○杏○榛栗

○茅栗○苦櫛○苜蓿

藥之屬○香薷○石菖蒲○麥門冬○瓜蒌○皂角○

紫蘇○澤蘭○車前子○益母草○半夏○槐實○淡

竹葉○桑白皮○生地黃○香附子○土白芷○茴香

五加皮○枳壳○枳實

竹之屬
 猫竹大者可編房屋苦竹堅利可實竹可作觀
 嫩者可作紙

音竹可供玩賞白竹可篋黃竹○水黃竹可籬斑竹自種

湘江猶有菰竹節疎而直可箭曾南豐詩密竹娟娟數
 湘妃淚痕十莖旱天瀟洒有高情風吹已送煩心

醒雨洗還供遠眼清新筍巧穿苔石去碎陰微破粉墻
 生應瀆萬物冰霜後來看琅玕色聘明羅一峯詩此君

原有節此君本無心此笋凡竹皆有惟冬生
 君在天地清風無古今而未出土者貴

木之屬松有五鬣者有三鬣者用之水中可千年不壞
 其花爲松黃可餅食節爲松明脂爲白膠香

曾南豐詩高松高干雲衆木安可到湯湯鳴寒溪嫵嫵
 倚翠轟側聽心神醒仰視目睛曉風雨天地動一葉不

歌倒豈同澗中萍上下逐流潦豈同墻根槐卷卷秋可
 掃鳳凰引衆禽此木陰可壽君今百常柱星日此可造

般匠世有無栢有圓栢有扁栢○冬青一名蠟樹又杉

李旰江詩小杉高尺餘俸直立還孤任過千年雪應無

所娛地終存古氣景合在仙樟文理細澤似白楊有

厚葉弱枝善桐華而不實者曰白桐實似胡椒而皮青

推故字從風桐者曰梧桐實大如鷄子可壓油者為油

桐椶櫚一名桑○柘二種樹色畧同蠶書柘葉飼蠶其

遠槐可染實可藥檀性堅實有柳有垂絲柳有楊柳有

詩亂條猶未變初黃倚得東風勢便狂烏柏冬月結白

鮮使飛花蒙日月不知天地有清霜葉青霜雪不改色三

油俗名株村落間有之其大黃楊年僅長寸餘然甚堅

實椿有香椿嫩菜可實

花之屬菊種類甚多應譜者亦數十品魯商豐詩菊花

孤淡零落野並頭蓮近自浙中得種分植郡城最為奇

水空崑隈瀛溪以心得之趣發於詞者曲盡其妙奪天思也將謂

蓮之君子可愛盡於是與牡丹之富貴菊之隱逸並名

于苑臺間宜也邇者得奇種移植寗池方春而葉無異

也初夏而益無異也及夫赫炎薰熇堪與駉嫩榮裂而

花呈者或並頭而闕或四面而拱或藜突而臺或紛糾

富貴者專於隱逸者孰若茲蓮狀君子全德以之富貴
 君子也以之隱逸君子也顧不為奇濂溪也哉是遇茲
 蓮如遇濂溪遇之而得師之余將見濂溪於蓮矣遇之
 歲余稚子良勝發解人爭名以瑞余謂其有種也易以
 奇葵有紫葵有黃蜀葵隨日木犀郎桂花當秋盛開如
 字葵光轉移而傾心向之
 芙蓉一名拒霜花又名木蓮曾南豐詩芙蓉花開秋水
 月在天清瀾素礫為庭戶羽蓋霓裳不知數臺上游人
 下流水柱脚亭亭插花裏欄邊飲酒權女歌臺北臺南
 花正多莫笑來時常着萱忘憂董子曰欲觸人之忿則
 展綠柳墻邊使君宅
 贈之以青堂欲忘人之
 憂則贈之以丹棘是也
 夜落金錢花朝開幕落故名夾竹
 桃竹葉而桃花李好江詩暖碧覆晴殷依依近木闌異
 根既不可潔心誠為難外貌任春色中
 金鳳又名鳳梳
 心期歲寒正聲尚可聽誰是伶倫官

子花瓣重壘者
 海棠花有水紅深紅二色
 瑞香有紫口
 粉口二

種近有白閩移植葉痕金線有純白花者尤貴重之李
 好江詩聞說仙花玉染紅別留春色在壺中瑤臺若見

飛瓊面不與蘭一瓣數花而香不足者曰蕙然皆宜佩
 人間夢寐同蘭

傳曰德芬芳者佩蘭古之佩者各象其德故也羅一峯
 詩翠袖舞春暉光風聖得知夜深渾不寐玉露點羅衣

茉莉重臺者名茉莉單臺者名素馨香氣一也張山茶
 栢厓詩露醅葉色低層幄月襯花陰上短簷

深紅色近有閩種花瓣重壘名寶珠茶曾南豐詩山茶
 花開春未歸春歸正值花盛時蒼然老樹昔誰種照耀

萬朵紅相圍蜂藏鳥伏不得見東風用力先吹噓追思
 前者葉蓋地萬木慘慘攢空枝寒梅數綻小顏色霜雪

瀟眼常相迷豈如此花開此日絳艷獨出凌朝曦為憐
 勁意似松栢欲攀更惜長依依山榴淺溥豈足比五月

霧雨空
 百合
 月桂
 水仙
 薔薇
 花開
 五色

酴醾 花色白甚 荷花 即蓮花李旴江詩昔人詩筆說蓮花不

多是屬 玉蝴蝶花 又有紫蝴蝶花根莖類扁竹花差異

描樣作奇葩莊周有夢何 梅花 賈思曰梅花早而白花

色微紅似桃杏春深迺開曰紅梅李旴江詩數枝斜出

短墻陰密雪無端苦見侵天意似憐群木如畫教枯朽

作瑶林羅圭峯紅梅詩西湖殘雪候多時却恨前

年被雪欺且學杏花紅似錦暫邀啼鳥到南枝

草之屬浮萍 隨水漂流無定性也 蒲 水草其根可絲為蜜 艾 一名

草之可以 蓼 詩傳曰在陸為 茅 叢生如禾而 芒 似茅而

亦可 虎耳 壁生石 龍芽 又名長 畜之屬牛 ○ 羊 每成群則要以一牡為主舉群聽之詩

出而早 豕 豕 雞 種類多以鳥肉白毛者貴李旴江詩嗟

歸故也 未免庖厨年少苦令鬪主人類 冠 距麗徒為識昏曉猶

見呼寧思避弋者天外去鴻孤 鵝 宜草食方言為草鴨

玩人因喚右軍鳥名 狗 狗吠也叩氣 鴨 種自闍來

加爵號不離 禽之屬喜鵲 則喜李旴江詩翩翩者鵲何品流羽毛白

黑林之幽生 平智術可料度有巢往往輸鳴鳩天然却

會報人喜愚兒幼婦惟爾求萬聲千噪幾曾驗聞者終

是軒 鴉 項白身黑曰鴉純黑而反哺者曰慈烏每鳴作

眉頭 鴉 鴉鴉聲人多忌之羅一峯詩汝為先知累多言

世不容吉凶人自 鶉鳩 俗名斑鳩項背俱有斑點若珠

致緘口睡東風 鶉鳩 故云天陰則屏其足睛則呼之

歐陽永叔詩天將陰鳩逐婦鳴中林鳩婦怒啼無 雉 一

好音天雨止鳩呼婦歸鳴且喜婦不亟歸呼不已 雉 一

翬雉以其素質五采皆備成章也 鷓鴣 畏霜露早晚稀

避武后諱雉名野鷄至今未變云 鷓鴣 出有時夜飛飛

物產

十

則以木葉鶯即倉庚也一種又名黃鸝李旴江詩纔嘯
 自覆其背鶯歌喉碧樹枝驚飛還避巧丸兒可憐蜂蝶
 無言語入編燕紫胃輕小者為越燕胃斑黑聲大者為
 花房人未知燕胡燕作巢喜長或謂可容一疋絹者令
 家富目之所不宜處不給視雖落其實棄之而走一名
 玄鳥一名鷓鴣李旴江詩綉戶珠簾見最頻暖來寒去
 且安身翟公門下時飛布穀一名搏黍一名郭公雌雄
 入全勝交情斗頓人布穀飛鳴以翼相拂不自為巢
 據鵲之成巢而居之馬衍逐婦畫眉性好鬪杜鵑晝夜
 書曰口如布穀言其多聲也鸛類鶴而鷺鷥色白頭上有絲
 其聲凄切俗為割麥鸛小丹頂鷺鷥色白頭上有絲
 過荒疑其聲相似也鸛魚則弭之禽經曰鸛捕魚今漁人多畜之
 鶯啄則絲僵是也鸛鶻鶻鶻今漁人多畜之鶻鶻鶻鶻鶻
 者也古今註曰鶻鶻鳥類也鶻雌未嘗相離人得其一
 一必思而死王夔錫水禽記鄉人有善獲禽者一日得
 鶻鶻吾家售之去其翎畜于池中久之遂馴脫人物而
 不驚比一年忽徑去逾半年復來率此以為常其始來

也其始去也必由由近人為可哀之聲如將告之人固
 以為異元豐初去一歲始來來且引其侶而至侶聽動
 物必驚且將去之已則閑閑近人為和鳴以引之凡此
 數日所引而至者亦馴嗟夫亦異矣雖古之時有比平
 之猶巢門之鳥而論者皆以為有所感召而致然豈特
 不由其衷哉今夫世之人相懷於艱難相棄於平和者
 多矣方其居窮失勢墮入塗炭苟有振撫而存全之則
 握手探肺肝誓為終身之不忘一旦蒙生意僅可以自
 保則反眼不顧又從而嫌棄之者何可勝數由此觀之
 世人之心以禽獸為無知然禽獸果無知於世之人哉
 翡翠翡翠翎翮青翠善啄魚羅圭峯詩鶻惜綬鸞信影孔雀
 愛金尾鴛鴦重鸞領在世安有秦西巴獮麋殺孩
 予亦肯俛啄仰顧活須臾虞羅得女女禿頂鸞魚婢
 不得飲何異海鶴遇吞蛭不如清餓學蟬飲或飽七壤
 為龜嗟哉象以齒焚千斤龜拳身得託為爾幸
 獸之屬虎居山林中每出以瓜圻地觀奇耦而豹斑文
 行今人畫地觀奇耦者亦曰虎上云豹如錢

故謂之金錢豹性廉有所程度而食故字從麀
 勺古詩曰餓狼食不足飢豹食有餘是也
 有之有牙麀亦麀類也皮兔胎生子從口出
 而不能噬麀作履舄為佳兔故娠婦禁食之
 而食以備人物之害角有斑痕紫山羊兩雅
 色行或有涎出口不復能急走也
 角善鬪至死野豬形類家猪但腹小脚長牙
 不可牢奇近又一種名毫猪鬃有箭怒則奮
 射人其獺似狐而小膚如狐鼻黃尾尖李盱
 箭可簪獺仗翼水居食魚狐昔年因讀昌黎
 狐猶未真客堂昨夜燭後一聲竊發誠驚人
 席匪虛語據此麓暴誰敢聞殺人之子養汝
 管胡為仁豈無鷹隼善搏擊去路昏黑雞相
 矢可彈射却恐誤中東西鄰我今獨處雖無
 睡寧不嗔嘗聞鳳凰百身君丹穴萬里誰能
 頓九韶樂奉迎絳羽披重雲直前再拜列爾
 足為狸有虎斑者有猫班者性善擬貓埋雅
 灰塵度故大射以狸皮張三候

曲之害故字從苗且暮日猴性躁器一各沐猴此
 晴皆圓及午即縱欽如線猴獸無脾以行消食

鱗之屬鮫魚即草魚壹種名身鮪魚鱗脊中鱗一道每
 鱗之屬鮫魚即草魚壹種名身鮪魚鱗脊中鱗一道每

文鱧魚身扁細口小鯽魚腹大而鮪魚似鱧而短無鱗爾雅
 鱧俗名黃鱧蝦蟇俗為田雞可食背清有黑點入夏

水鱧俗名黃鱧蝦蟇俗為田雞可食背清有黑點入夏
 閣閣撓人耳在官不為官在私無私事徒將一寸日日

夜長鳴吠豈能剗語言且欲謀窺寐何者孔稚圭愛之
 如鼓吹誰論正與

淫各自有知已

介之屬青螺有生田中者有團魚俗名水雞或蚌蛤草
 性冷無毒止消渴除煩解熱毒

蟲之屬蛇○蜈蚣○蚯蚓○蟻○蝟○李盱江詩雨餘雲
 漏日蟲思已喧喧

物產

時節驚初夏聲音似故園為誰吟綠野
 蟬秋鳴為蟬李相共送黃昏便是秋來信霜髯更幾根
 蟬盪塵向此生柳枯槐老正傷情高吟盡日知誰聽零露
 充腸且獨清螳斧不勞陰致害貂冠猶可共傳名
 若有人遺魂在應蜂垂穎如鋒蝶粉翅有鬚蜻蜒六足四
 放寬聲傷爾鳴蜂垂穎如鋒蝶粉翅有鬚蜻蜒六足四
 輕薄如蟬畫取蚊食之遇雨則多好集水上
 款飛只名螻蚱字說云動止常廷故謂之蛉
 螢不言化者不復為腐草也
 蚊○蠅○蛾○果蠃
 螢不化者不復為腐草也
 蚊○蠅○蛾○果蠃
 蚤螳螂不避捕蟬而食執木葉以自蔽蜘蛛其絲右繞
 鼠有齒無牙常畏人夜動一種見人則蠶不飲蠶書曰
 飼蠶勿用雨露
 濕葉者以此

帛之屬紬 有以湖絲成者為籠絲紬有以繅絲雜木綿紗者為假紬

絹 鄉人貨湖絲成之多 苧布 不紡者曰扁紗布葛布以

冒皮雜紉為之僅足 土段 朴素若北方土綾近迺織竹

也 供僕隸之用而已 綿布 貫不為及江南校布稍細者名頓布名腰機布其價

食用之屬麻姑酒 泉釀之故名茶 香味不佳新城得開

曾南豐詩麥粒收來品絕倫葵花製出樣紙 煮竹皮稻

爭新 一盃永日醒 雙眼草木英華信有神 紙 草成之可

作紙綿不 藍靛 近自汀 扇 近時新城造作差勝羅圭峯

中書也 藍靛 近自汀 扇 近時新城造作差勝羅圭峯

實胡液楮氏之族也 其地疆域明甚求物產居民焉無
 有也 有之亦若繪圖然分十二牧主之十二牧日烏木
 蘭氏十日白象胥氏乃于外夾持之然實貫穿于腹裡
 之界白象胥氏乃于外夾持之然實貫穿于腹裡

南城內爲隅謂之坊近城爲闕謂之廂其後隅闕總謂之坊云坊不復立名號唯以圖數名之隅闕之外爲鄉都是謂之里明沿宋舊然宋以里統都明以都統里此其所以異也明洪武十四年創編賦役黃冊以一百一十戶爲里推丁糧多者十戶爲里長餘百戶分爲十里歲役里長一人管攝一里之事在城曰坊近城曰廂鄉都曰里十年一造黃冊每里編爲一冊冊首總爲一圖鰥寡孤獨不任役者則帶管於一百一十戶之外而別於圖名曰畸零冊成一本進戶部各布政司及府州縣備簿一本十年攢造一冊一歲一會實徵有丁有田田曰官田曰民田凡二等役曰夏稅曰秋糧凡二等丁曰成丁曰未成丁凡二等役曰甲役曰徭役曰雜役凡三等皆有力役有雇役計其丁田爲差隆慶三年御史陳堂言國制十年大造黃冊今有司徵錢糧編徭役者自爲一冊名曰白冊有司但以白冊爲重其餘黃冊則惟付之里胥任其增減因設督糧叅政一員兼理黃冊凡入丁事產悉照白冊攢造其欺隱脫漏者如例問遣其後丁糧多者漸受值役之累民視里長如蹈湯火乃平

析十一里為十里復去坊長不設事具徵收條中

國朝因之

南城縣十六區二十三坊五鄉七十三都內于明萬曆六年割五十二

六都至七十區者收糧之名今罷不設坊之名亦廢云

東隅一西隅一南隅一北隅一東関一西関一南関一

北関一大平鄉一統都十八一都二二都三三都四四都五

七五都二六都四七都四八都四九都二十都九十一都九

六十二都二十三都三十四都九十五都四十六都十

十七都二十八都六

雅俗鄉在縣西南十九都三二十都四二十一都五二十二都五

十二都三二十三都四二十四都三二十五都四二十六都四

都二二十七都二二十八都二二十九都四三十都三

三十一都八

可封鄉在縣東南三十二都十一三十三都十二三十四都十一

八三十五都五三十六都一三十七都二三十八都四

三十九都三四十都二四十一都七四十二都五四十

三都四四十四都五

藍田鄉在縣東南四十五都二四十六都四四十七都四

二四十八都二四十九都二五十都二五十一都二五

十二都二五十三都二五十四都三五十五都二五

六都二五十七都二五十八都一五十九都二自五

下分入
瀘溪縣

南城鄉在縣東北統都十四六十都二六十一都一六十二都二

六十三都二六十四都一六十五都一六十六都三六

十七都二六十八都二六十九都二七十都一七十一

都一七十二都二七十三都四已全入瀘溪鄉

南豐縣一十區九坊三鄉五十五都

東隅五西隅四

世賢鄉統都二十一都三二都三三都一四都一五都三六

都六七都二八都四九都七十都七十一都五十二都

一十三都二十四都一十五都一十六都一十七都二

十八都一十九都一二十都一

龍池鄉統都十五二十一都一二十二都一二十三都一二

十四都一二十五都一二十六都一二十七都一二十

八都一二十九都一三十都一三十一都一三十二都

一三十三都一三十四都一三十五都一

太平鄉統都二十五十六都四三十七都一三十八都一三十九都一

十九都一四十都一四十一都一四十二都二四十三都一

鄰一四十四都二四十五都二四十六都一四十七都一

四四十八都三四十九都四五十都二五十一都二五十二都四

十二都二五十三都四五十四都二五十五都四

新城縣七區四坊五鄉五十四都

東坊一西坊三南坊三北坊二

豐義鄉統都五二都一三都三五都二六都一七都一

一

旌善鄉統都十七八都三九都一十都四十一都三

二都一十三都二十四都一十五都一十六都二十七都一

都四十八都二十九都三二十都一二十一都一二十二都一

二都一二十三都二二十四都一

禮教鄉統都八二十五都二二十六都一二十七都一

二十八都一二十九都一三十都一三十一都一三十

二都一

東興鄉統都七三十三都一三十四都一三十五都一

三十六都一三十七都一三十八都一三十九都一四

十都一 四十一都一

德安鄉在縣西統 四十二都一 四十三都一 四十四都一

一 四十五都一 四十六都一 四十七都一 四十八都一

都二 四十九都一 五十都一 五十一都一 五十二都一

五千三都一 五十四都一

廣昌縣四區四隅五鄉十九里半後三鄉改為二十二里

天授鄉在縣東北 東隅二 西隅 吉祥里一 南隅 浮竹里一 麟角

隅文上里一 揭坊里一 上屯 赤岸里一 文下里一

里一 南上 遷善里一 吳由 仁豐 大村里一

南豐鄉在縣南 文會 回新 新安里一 監南 金砂里一 千金

里一 長上 下里一 新坊里一 天井 永業里一 寺川里一

興安鄉在縣西北 人受里一 新興里一 安上 令安里半

瀘溪縣四坊四鄉十六都後不立坊長名色貫隅都三十番共為三十里

圖冊之內有丁有田 南城戶糧以一十二石有奇為率

南豈視之則增三之 新城三倍之 廣昌五倍之 瀘溪二

倍之

坊鎮

建昌府東城內外坊

承流宣化坊 在府治前

永豐坊 在豐盈倉前故名

惠民坊 在東豪市

輔德坊 在舊安濟門

府西城內外坊

敬賢坊 縣令陸大本建

遊仙坊 近七仙閣故名

武雄坊 近武維營

親民坊 在縣治左

忠愛坊 在縣治左

府南城內外坊

承宣坊

文昌坊 在大平門內近舊儒學

騰蛟起鳳坊 在縣學前

府北城內外坊

布德坊 地近府治

耆英坊 地多壽者

貞慶坊 在察院前左

壽寧坊 在舊郡治左宋知府曾堃立

仁愛坊 東倉巷口

中和坊 在舊天酒門裏路通甘露亭

富樂坊 在東倉巷

正俗坊

天慶坊 近天慶觀

積香坊 在舊縣治之則

殿國坊

清風坊

崇道坊 知府上官子齡建

懷德坊 魯侍郎惠及鄉里而名

靈應坊 在城隍廟前

興文坊 在沙井頭舊有明江書院故名

孝友坊 在稅務前

肅察坊 在察院前右

坊鎮

十九

街

通濟街

十字街

演武街 近較場而名

通福街

大川街 近江而名

具瞻街 在縣治右取詩經義

義泉街 地有義井故名

玄紗街 近玄紗觀故名

祥瑞街 路通鳳凰山

大平街 路通大門

武安街 近千戶所故名

弦歌街

平政街

朝天街 即舊朝大門

廣運街 近稅課司

嘉惠街

建極街 又名三皇街

雍熙街 以俗淳厚近雍熙塔

懷德街

里仁街 又名里仁巷

慶會街 賀李泰伯街成故名

青雲街 近府儒學

忠義街 有關聖廟因名

思賢街 近李泰伯墓

市

盱江市

近臨江上交易雲集

麻橋市 在十都

土橋市 在四都

伏牛市 在十都

鯉湖市 在二十都

雲陽市 在二十都

南源市

裏塔市 在二十都

磁龜市

唐宋元人烟輳聚市延四里屠肆七十二他稱是經燹成化間始復止延二里有店肆見李西

內 涯記

鎮

岳口鎮 在十三都

硝石鎮 在三十都

保業鎮 在三十都

藍田鎮

在四十六都杉關瀟烈詩藍田旁午猶煙霧盡說山深有豺虎蒼苔滿徑行跡稀樹底湍流壯

如鼓山禽格磔山蟬幽煩衿浙浙渾如秋直從一舍得平
 陸却喜滿目皆良疇時逢老長聊訪問言語盟盟顏休
 休為言近來好官府我輩得以安鉏耰催科不煩頑暴
 華往昔凋瘵今來廖樵山漁海田可稼衣食自足儂何
 求聞之使我每興嘆觀國於野真良歎誠能豈弟知教
 養何地不可為魯周輕風霽日容懷好步履撫咏心悠
 悠

曾潭鎮

在二十四都舊有巡檢司今革

南豐縣四城內外坊

中和坊

在東隅

東與坊

在宜春門外宋世令江浹建

聞弦坊

在後學宮

宣化坊

奉親坊

昔曾密公諾于宦顯能以厚祿致養故名

萬代宗師坊

在櫺星門前

街

都街

在龍池鄉

審埠街

在世賢鄉

重石街

在太平鄉

市

小菜市

在八都

楓林市

在五十都

大南市

在七都

小南市

在三十都

梅潭市

在十都

瞿村市

在四十都

轄村市

鎮

僊君鎮

元時盜起為立此鎮以世賢鄉巡檢領之後知州裴彥直奏革

白舍鎮

在太平鄉宋崇寧間置巡檢司洪武年革

新城縣四城內外坊

宣化坊 在縣治前 ○安民坊 在縣門東 澄清坊 在按察司

文廟坊 在縣東南 德配天地坊 儒學門外 萬代文樞坊 儒學門外

街

十字街 前街 城隍街 南津街 夏市街

市

苟溪市 在縣東五十里東興區

鎮

飛猿鎮 在縣東七十里俗呼飛鸞

廣昌縣四城內外坊

迎恩坊 在縣東隅 尚賢坊 在縣北 集賢坊 在縣學左 興賢坊 在縣學右

街

十字街 在湖東 中街 在少司馬坊前 下街 在中街下

西街 在承流門外 南街 在宣花門內 北街 在禪師橋之右

學前街 在迎恩門前

市

筭竹墟市 在麟角里 頭陂墟市 在新興里 白水墟市 在監南里

梅嶺墟市 在新里

鎮

白水鎮

在縣治南宛若城
市有江山一覽亭

瀘溪縣四城內外街

十字街

在縣前萬曆四十三
年知縣潘元勳開

東街

西街

南街

北街

瀘頭街

在東
門外

司前街

在北
門外

學前街

近南
門

高富街

在一
都

嵩溪街

在四
都

桐埠街

在十
都

市

斬源市

在十
五都

草坪市

在十
一都

茂林市

在九
都

鎮

楓林鎮

在六
都



